

143
K.L.

भाव पोशमाल

SRI RAMAKRISHNA ASHRAMA
LIBRARY, SRINAGAR.

Accession No- 2823

Date 30.4.1984



**SRI RAMAKRISHNA
ASHRAM**

LIBRARY

**Shivalya, Karan Nagar,
SRINAGAR.**

Class No. _____

Book No. _____

Accession No. _____

143
~~100-11~~

भाव पोशमाल

143
KMR-42

भाव पोशमाल

Presented to the Rana Keshava Lal Singh
to Smt. Jagdish Prasad
On 30.4.1984

छम म्य यि कृपा चनी
लेखनथस, छस अज्ञ नी

SHIRAMAKRISHNA ASHTAMA
LIBRARY. SRINAGAR.
Accession No. 2823
Date 30.4.1984

Rs. 3/-

कमलावती भागाती

E-84 डी०डी०ए प्लेट्स

साकेत, नयी दिल्ली-110017

सिद्धि लक्ष्मी प्रीतम प्रसन्न
सिद्धि लक्ष्मी प्रसन्न, साकेत



ॐ



श्री स्वामी लक्ष्मण जी

श्री बालकृष्णजी भागाती की धर्मपत्नी सुश्री कमलवती जी मेरी सुभक्ता हैं। इन्होंने कई वर्षों से मेरे जन्म दिन पर कश्मीरी भाषा में कविता के रूप में अपने सुन्दर उद्गार प्रकट किये हैं।

इनकी कविता सरलता, सुन्दरता तथा गुरु के प्रति भक्ति भरी है। ईश्वर इन्हें सदा सत्तोगुण वृत्ति प्रदान करे और गुरु-भक्ति का पात्र बनाये। यही इनके प्रति हमारा शुभाशीर्वाद है।

20 अप्रैल, 1982

लक्ष्मण

गुप्तगंगा आश्रम
श्रीनगर (कश्मीर)

SRI RAMAKRISHNA ASHRAMA
LIBRARY, SRINAGAR.
Accession No- ...2823...
Date ..3..4..1982..

THE UNIVERSITY OF CHICAGO
LIBRARY
1207 EAST 58TH STREET
CHICAGO, ILL. 60637
(773) 936-3000

1965

1965, 1966
1967, 1968
(1969, 1970)

1965
1966
1967
1968
1969
1970

वेलवोत मेलनुक

वेल वोत मेलनुक बर मुचराव
सद्गुरु असि वुन्य दर्शुन हाव ॥

आदि प्रभातन आयि अस्य सरी,
भावक्य पोश अन्य चरि चरी ।
शेरि चानि लागहोय असि छु भक्ति भाव ॥
सद्गुरु असि वुन्य दर्शुन हाव

आमत्य असि पनुन पनुन भाव ह्यथ,
लोलचे पोशिमाल अथनय क्यथ ।
त्रावहोय नल्य वुन्य दर्शुन हाव ॥
सद्गुरु असि वुन्य दर्शुन हाव

केंह आमत्य दूरि प्यठ लारान,
बरसय तल छिय अस्य प्रारान ।
मुचराव दरवाज्ज वुछत सोन भाव ।
सद्गुरु असि वुन्य दर्शुन हाव

अज्जिकि दोह आख ज्ञनमस भगवान
पान सरस्वती छय वनवान,
बोनि शहजार आव चोल आमतोव ॥
सद्गुरु असि वुन्य दर्शुन हाव

अरिणिमालि माजि निश प्योख थनय,
 गट चजि गाश आव चानि ज्यनय ।
 नारायणनिस घरस गाश आव ॥
 सद्गुरु असि वुन्य दर्शुन हाव

शाद गयि सरी आख भगवान,
 पूजाह करहय भक्ति सान ।
 रामन कोरनय लक्षमन नाव ॥
 सद्गुरु असि वुन्य दर्शुन हाव

हावत वुन्य पनुनय सुन्दर रूप,
 असि जालत मनसय मंज ज्ञान धूप ।
 असि दया दृष्टि पान वुन्य त्राव ॥
 सद्गुरु असि वुन्य दर्शुन हाव

मत लागत वुन्य च संगदिल यूत
 दित दर्शुन वुन्य प्रारव असि कूत ।
 प्ररी प्ररी अछि लोस प्रकाश त्राव ॥
 सद्गुरु असि वुन्य दर्शुन हाव

पाद पूजा

चन्य पाद पूजनि आय असि सरी,
 पादन लगय परि परीये ॥

अज्जिकि दोह दोरुथ पान अवतार,
 कलियोगस आख तुलनि पापभार ।
 चानि प्रकाशि गाश आव चोवापरी ॥
 पादन लगय परि परीये

अरिणिमालि माजि निश आख ज्ञनमस,
 सन्तान आख नारायणनस,
 आकाशि पोशवर्षुन गव जरी ॥
 पादन लगय परि परिये

वहिक घटपछि बाह अज्ज छु चोन ज्ञन्मदिन,
 लोल सान असि करान माल पोशन ।
 त्रावान लोलसान नल्य छिय सरी ॥
 पादन लगय परि परिये

शोलमारान अज्ज यि चोन ज्ञन्मदिन,
 लोल सान असि करान अज्ज कीर्तन ।
 दीवी देवता आमत्य योत सरी ॥
 पादन लगय परि परिये

रंग रंग पोश अन्य अज्ज छरि छरी,
 भावसान थवि चरि चरीये ।
 शेरि चानि लागान अज्ज असि सरी ॥
 पादन लगय परि परिये

आदि प्रभातन असि यिवान लारान
 असि दिय दर्शुन अज्ज भगवान ।

लोल हृत्य प्रारान दर्शनस सरी ॥
पादन लगय परि परिये

पान भगवान छुख दर्शन हावान,
सतची वय छुख असि हावान ।
दुःख त दधि छि चलान अज असि सरी ॥
पादन लगय परि परिये

वारि वारि छिय असि सरी प्रारान,
सारिनय छुख पान टयोक लागान ।
छिय शरण यिवान असि कल दरि दरी ॥
पादन लगय परि परिये

मनुकय मल छुख असि चय गालान,
बेकसनय छुख चय पालान ।
कुस हयकि वनिथय गुण चन्य सरी ॥
पादन लगय परि परिये

सतगुरु असि छुय आसर चोनुय,
मत वुछत वुन्य यि मूर्खभाव सोनुय ।
मूर्ख त ज्ञानी योत यिवान सरी ॥
पादन लगय परि परिये

चय छुख सोन मोल मजि वय बन्ध,
चय छुख सोनुय सुख त आनन्द ।
चानि कृपायि असि प्रारान सरी ॥
पादन लगय परि परिये
ब भक्त आयसय दूरी प्यठ लारान,
चानि दया दृष्टि छस ब प्रारान

चानि अनुग्रह गय म्य दुःख दूर सरी ॥
पादन लगय परि परिये ॥

पोश वशुन

शोल मारान अज यि जन्मदिन चोन,
लोल छिय अस्य करान पोश वशोन ॥

अजिक दोह आख पान अवतारी,
शेरि छिय लागान पोश सरी ।
यिहोय छुय भक्ति हुन्द भाव सोन ॥
लोल छिय अस्य करान पोश वशोन

अरिनिमालि माजि निश आख जनमस,
सन्तान आख नारायनस ।
बहिक घटपछि बश दियतुथ दर्शोन ॥
लोल छिय अस्य पोश करान वशोन

दोहथ अवतार आदि प्रभातन,
कख दिच् तमि सात पान रामन ।
जनमस आव अज लक्षमण म्योन ॥

लोल छिय अस्य करान पोश वशोन
पान भगवान आख अवतरी,
शाद गय तमि सातन सरी ।

स्वामी रामन हियोत नचोन ॥
 लोल छिय अस्य करान पोश वशोन
 कलियोगस मंज आख अवतरी,
 नाशस करिथ सन्य पाह सारी ।
 आख भगवान भक्तन रछिवोन ॥
 लोल छिय अस्य करान पोश वशोन
 आमत्य अज असि योत सालय,
 हियथ लोल पोशन हंज मालय ।
 नल्य माल शूभान छुय यि रूप चोन ॥
 लोल छिय अस्य करान पोश वशोन
 समाधी मंज छुख दर्शुन दिवान,
 तीज सुस्त रुपय छुय प्रजलान ।
 भावनायि सान छिय वुछान रूप चोन ॥
 लोल छिय अस्य करान पोश वशोन
 सुन्दर आश्रमस मंज छुख रोजान,
 सारिनय हन्दि दुःख दध्य बोजान ।
 भक्तन हुन्द भाव छुख वुछिवोन ॥
 लोल छिय अस्य करान पोश वशोन
 आमत्य अज छि असि शरण सरीय,
 कृपायि चानि प्रारान सरी ।
 पादन तल छुख असि रछिवोन ॥
 लोल छिय अस्य करान पोश वशोन
 भक्ती सान आयिसय व लारान
 अनुग्रहस चनिस छस व प्रारान ।

पानय छुय वुन्य मटि भार म्योन ॥
लोल छिय अस्य करान पोश वशीन

वथरावहय यिमपोश

भवती चानि दियतुनम सन्तोष,
वथरावहय यिम भावकी पोश ॥

वय मूर्खय ज्ञान मा जानय,
चय छुख वथ हावान म्य पानय ।
लागहय भावनायि सत्य यिम पोश ॥
वथरावहय यिम भावकी पोश

यिम भावपोश थविम चरि चरी,
अछि लोसम प्ररि प्ररी ।
अज जन्मदिन लागहय यिम पोश ॥
वथरावहय यिम भावकी पोश

भाव छुम च्योन हृदयस अन्दरय,
न्यथ पूजहय पाद चन्य सोन्दरय,
लागहय भावनायि सान व्यनपोश ॥
वथरावहय यिम भावकी पोश

अनुग्रह कोरथम दितुथम नाद,
चानि कृपायि सत्य गोम मन शाद ।

अजि वथरावहोय भावकी पोश ॥
 वथरावहय यिम भावकी पोश

रंग रंग रूप छुख असि हावान,
 भक्ती छुख असि वडरावान ।
 चानि भक्ती सत्य आव असि होश ॥
 वथरावहय यिम भावकी पोश

यक्काल गव दर्शनस प्रारान,
 दूरि प्यठ आय असि योत लारान ।
 थावत सान्यन नादन वुन्य गोश ॥
 वथरावहय यिम भावकी पोश

अज छि स्वर्ग हूर वननावान,
 प्रेकाशि रूप छुख अज हावान ।
 चानि प्रेभावुक कोताह छु जोश ॥
 वथरावहय यिम भावकी पोश

लारान आय अज असि सरी,
 पादन लगहोय असि परी ।
 असि मूर्खन ओनुथ पानय होश ॥
 वथरावहय यिम भावकी पोश

शैवनाथ दोरुथ अवतार

म्यनि प्राण अर्पण गुरुपादन,
अज दोर अवतार शैवनाथन ॥

अजिकि दोह दोरुथ पान अवतार,
गयि अस्य सरी निन्दिरि बेदार ।
पान अवतार दोर ईश्वर स्वरूपन ॥
अज दोर अवतार शैवनाथन

जन्मदिन चोन अज शोल मारान,
असि सरी आयि योत लारान ।
दिवान छुख अज शैवरूप दर्शुन ॥
अज दोर अवतार शैवनाथन

बहिक घटपछ बाह अज गाह त्रावान,
अज पान भगवान दर्शुन दिवान ।
अजिकि दर्शन गछान असि शुद्ध मन ॥
अज दोर अवतार शैवनाथन

अज दियतुथ असि पानय नाद,
लोल सान छलहोय पम्पोशि पाद ।
पूजा करहोय यिमन पादन ॥
अज दोर अवतार शैवनाथन

लारान. आयि असि योत सरी,
 अज छुख बोजान सन्य जरी ।
 सतची वथ हाव असि भक्तन ॥
 अज दोर अवतार शैवनाथन

भक्ती चानि हुन्द कोताह छु जोर,
 लछि बध्य लूख छिय आमत्य योर ।
 मरी च्यानि कृपायि प्रारान ॥
 अज दोर अवतार शैवनाथन

चोनुय अनुग्रह युस चोवापरी,
 शिवस्तोत्रावली परान सरी ।
 वेदार करिथ अस्य निन्दरि हृत्यजन ॥
 अज दोर अवतार शैवनाथन

अज छुख पान असि टयोक लागान,
 पान भगवान छुख अथ डालान ।
 नाश छुख करान सान्यन पापन ॥
 अज दोर अवतार शैवनाथन

दर्शुन हावान छुख शैव रूप,
 जालहोय रतनदीप आलवहोय धूप ।
 वेदार करि असि चनी प्रकाशन ॥
 अज दोर अवतार शैवनाथन

गाशि रस्यत्यन यिवान अज यति गाश,
 असि छय सारिनय वुन्य चनी आश ।
 करत अज सनी पूरण प्रण ॥
 अज दोर अवतार शैवनाथन

शारिका दीवी हुन्द भक्ति भाव,
 ईश्वरस्वरूप छुख थोवहय नाव ।
 चनी नाव कुस हयकि करिथ वर्णन ॥
 अज्ज दोर अवतार शैवनाथन

दूरिप्यठ आयसय वय लारान,
 चानि दयादृष्टि छसब प्रारान ।
 चय म्योन मोल मज्ज सुख त आनन्द ॥
 अज्ज दोर अवतार शैवनाथन

शंकर प्रार्थना

पाद छलहय वुन्य ब अशि वाने
 वनि यितम हा गोसाने ॥

आधि प्रभातन छसत छारान
 दर्शनसय छसय ब प्रारान
 म्यानि विनती भोजत वुन्य माने ॥
 वनि यितम हा गोसाने

छुम अभिलाश छसय प्रारानय
 दितम दर्शुन उमायि सानय
 दुख चलिहेम्म दर्शन चाने ॥
 वनि यितम हा गोसाने

हावतम सु रूप शोभायिमान
 वनतम कथ जायि छुख रोजाना
 तथ जायि प्रारय मायि चाने ॥
 वनि यितम हा गोसाने

कल माल छय च्य छनिथ नली
 कनन छिय कुंडली हँन्दि वली
 चान्यन रूपन कुस जाने ॥
 वनि यितम हा गोसाने

चोन नाव छुय त्रशूल धरी
 वृषभस खसिथ छुख सवरी
 सर्व व्यापक स्पर्फ गोसाने ॥
 वनि यितम हा गोसाने

छय ब्रोंठ कनि धून्या दजान
 छुय डमरु त सेतार वजान
 सरस्वती वनवान भाव चाने
 वनि यितम हा गोसाने

टोठ नाव छुय शंकर भगवान
 वुन्य दितम पादन हुन्दय ध्यान
 तार तर ह पाद दर्शन चाने ॥
 वनि यितम हा गोसाने

भखत्यन छुख मनि मंज बासान
 छय उमा खोहवरि आसान
 गणेश जी मँज खोनि चाने
 वनि यितम हा गोसाने

गज्र चम छयना च्ये वलिथय
 शुमशान बसमा छुय मलिथय
 कुस जानि यिम लीलायि चाने
 वनि यितम हा गोसाने

जटि छय गंगा वसान जरी
 छुख शँख चकर गदा धरी
 भूत प्रीत मंज मँडली चाने ॥
 वनि यितम हा गोसाने

स्वर्फन हंज माल छय नली
 काँह ति अँग छुयन च्ये खली
 जाहरस अमृत गव भाव चाने
 वनि यितम हा गोसाने

शेरि चन्द्र छुय च्ये प्रजलान
 डकटस मँज त्रेयुम नेथर शूभान
 शूभायि मान भगवान म्याने ॥
 वनि यितम हा गोसाने

सूह मुसला छुय च्ये वलिथय
 तनि अम्बर भूत छुय मलिथय
 गोड़ ब दिमहय अशि वाने ॥
 वनि यितम हा गोसाने

रूप छुय च्ये अगनच्य जोती
 छुख दिवान चय सारिनय शन्ती
 वर्षा करान चय अमृत वाने ॥
 वनि यितम हा गोसाने

पपियन छुख च नाश करन वोल्
 भखत्यन छुख चय रछन वोल्
 म्यन्य दुख च्ये रोस कुस जाने ॥
 वनि यितम हा गोसाने

भक्ती स्व दितम ब्रोठ कनिवास्तम
 अनिनय अछन अन्धकार कास्तम
 गाश यियिम अनुग्रह चाने ॥
 वनि यितम हा गोसाने

भाव पोश

नमोनमः श्रीगुरुपदुकाभ्याम्

सदगुरु म्यानि राजतम् दयाये
 भाव-पोश लागहय पादुकाये ।

आयसय शरण बोझतम जरी ।
 पादिकमलन लगहय ब परी ।
 करत वुन्य म्यनि शुद्ध वासनाये ।
 भाव-पोश लागहय पादुकाये ।

शंकररूप युस छुय सुन्दरय ।
 बासतम घरि घरि मनि अन्दरय ।

यिहय करतम पूर कामनाये ।
भाव-पोश लागहय पादुकाये ।

वहिक घट पछि बश दियतुथ दर्शुन
ओसुय जगतस पापभार कासुन ।
चानि यिन गाश आव जायि जाये
भाव-पोश लागहय पादुकाये ।

भागिवान माजि दियतुनय जनमय
होवथस भगवद्रूप पननुय ।
स्वर्गस मंज करथस जाये ।
भाव-पोश लागहय पादुकाये ।

माता चन्य क्या अस भाग्यवान
जनमस यस निश आव भगवान ।
जय जयकार छु तस श्रीमाताये ।
भाव-पोश लागहय पादुकाये ।

जनमस आख चय राजपोत्रय
पंपोशि रूप छिय यिम नेत्रय ।
घट च्जि गाश आव जायि जाये ।
भाव-पोश लागहय पादुकाये ।

चानि यिन सोरुय जगत गव शाद
रामजुवन दियुतनय आशीवाद ।
भक्तिभाव चोनुय छु जायि जाये
भाव-पोश लागहय पादुकाये ।

महताब काकन्य करथ भक्ति
दिचनय तम्य बड़ गुरु शक्ति ।

भक्त्यन हुन्द करान छुख पाये
भाव-पोश लागहय पादुकाये ।

घरि यलि द्राख राजसी त्रविथ
ईश्वर पर्वत आश्रम बनोवुथ ।
जय-जयकार चानि लीलाये ।
भाव-पोश लागहय पादुकाये ।

यि सुन्दर आश्रम छु निशातय ।
दर्शुन दितम म्य सात-सातय
प्राण म्यनि अर्पण अथ सुन्दर जाये ।
भाव-पोश लागहय पादुकाये ।

गाश रोस छस आश छम च्यनी ।
भक्ति दितम छय विनती म्यनी ।
क्या कम गछि च्यानि भारगाये ।
भाव-पोश लागहय पादुकाये ।

दयादृष्टि यस छुख त्रावान्,
पापव छहन सुय मोकलावान ।
म्यति करत पापन मोकलन पाये ॥
भाव-पोश लागहय पादुकाये ।

प्रारान छस च्यनिस बरसतल
करत म्यनी मुशिकिल वुन्य हल ।
मूर्खभाव छुम रोजतम दयाये ॥
भाव-पोश लागहय पादुकाये ।

अन्तर्गमी छुख च पानय
सारिनय हन्दि दुःख जानानय ।

अनुग्रह चोनुय छु जायि जाये ॥
भाव-पोश लागहय पादुकाये ।

गाशरोस छस वथ हावनस न कांह
च्यानि उपदेशि रोस बय कर क्याह
करतम कृपा मत करतम निराशाये ॥
भाव-पोश लागहय पादुकाये ।

हरिद्वार हवथ कृष्ण लीला ।
व्ययि वुन्य सुदोह असि मेल्या ।
छस व प्रारान तथ लीलाये ॥
भाव-पोश लागहय पादुकाये ।

पादिकमल च्यन यलि सोन घर चाय
कोरुथ असि पापन मुकलन पाय ।
गयि दूर विपदा च्यानि कृपाये
भाव-पोश लागहय पादुकाये ।

च्यानि पादुका दर्शन शान्ति यिवान ।
भागिवान तिम छि यिम दोहय पूजान ।
सद्गुरु भक्त्यन हन्दि साये ॥
भाव-पोश लागहय पादुकाये ।

शारिका दीवी छि पान ज्ञनी ।
रातदिन करान पूजा च्यनी ।
पम्पोश लागहस पूजाये ॥
भाव-पोश लागहय पादुकाये ।

जन्मदिन दोह यलि छुख दर्शन दिवान ।
तीज सुस्त रूप भगवान प्रजलान ।

भक्त्यन दर्शुन दिवान पजि माये ॥
भाव-पोश लागहय पादुकाये ।

यिम भक्त्य आश्रम दूर आसान
तिमन तती अनुग्रह छुख करान ।
अनुग्रह चोनुय छु जायि जाये
भाव-पोश लागहय पादुकाये ।

छुख च सारिनय निशी छुख न कंसी निशी
छय दया यिवान सारिनय हज हिशी ।
भक्त - रक्षक छुख शैवरुपाये ॥
भाव-पोश लागहय पादुकाये ।

कमलावतो छस जरी करान ।
रोजतम हरदम कृपा करान ।
मत वुछत म्यानि मूर्खताये ।
भाव-पोश लागहय पादुकाये ।

पम्पोशि पूजा

म्य गम कास्तम वुन्य सदागुरुय,
पम्पोशि पूजा करयो ॥

दिचथम पादन हंजय भक्ती,
छयना चय मंज सोय शक्ति,

पादन चान्यन पूजा करय ॥
पम्पोशि पूजा करयो ।

हरिद्वार आख पानय भगवान्,
दियुतुथ असि पादन हुन्द ध्यान ।
होलि रंग मोलुथ असि शाम सुन्दरय ॥
पम्पोशि पूजा करयो ।

म्यनी मुशिकिल छुख जानानय,
कृपा करतम वुन्य म्य पानय ।
छुय म्य वुन्य चोनय आसरय ॥
पम्पोशि पूजा करयो ।

वन कस चैय रोस्त मनुकुय हाल,
प्रारान प्रारान गोम यचकाल ।
रोजतम वुन्य मनसय अन्दरय ॥
पम्पोशि पूजा करयो ।

छस ब गमच क्षूभस अन्दर,
हृदय म्योन छुय चोनय मन्दर ।
अथ मंज वसतम वुन्य सदगुरय ॥
पम्पोशि पूजा करयो ।

करतम वुन्य यि शुद्ध म्योनय मन,
शब्दन चान्यन थावह नक ।
चान्यन शब्दन मुक्त जरय ॥
पम्पोशि पूजा करयो ।

प्रारय चनिस बरसय तल,
गालान छुख चय मनुकुय मल

छुख च पानय दया सागरय ॥
पम्पोशि पूजा करयो ।

पम्पोशि नेथर छिय शूभान,
भक्तन हुन्द मन छुय लूभान ।
रोजतम वुन्य मनसय अन्दरय ॥
पम्पोशि पूजा करयो ।

निश छुख म्य मत वास्तम दूर,
अवगुण म्य छिमयिम करतम दूर ।
प्राणव सती पूजा करय ॥
पम्पोशि पूजा करयो ।

गरि गरि चोनय नाव वुन्य स्वरह,
पादन तल चान्यन मरह ।
ध्यव तार लगिहेम भवसरय ॥
पम्पोशि पूजा करयो ।

जल जल हावतम यि सुन्दर रूप,
मनसय मंज जालतम ज्ञान धूप ।
मनसय मंज व चोन नाव स्वरय ॥
पम्पोशि पूजा करयो ।

चान्यन उपदेश थवह कन,
गछिहेम तमि सत्य शुद्ध म्योन मन,
श्रधायि सान चन्य उपदेश परय ॥
पम्पोशि पूजा करयो ।

गटि मंजु गाश

यमि असि गटि मंजु गाश ओनुय
ईश्वरस्वरूपस दित्युम वोनुय ॥

धारनायि छस च्योन ध्यान धारान ।
चनिस दर्शनस छस प्रारान ।
कोताह छुम वुन्य प्रारोनुय ॥
ईश्वरस्वरूपस दित्युम वोनुय ॥

छम म्य चानि दर्शनची प्रीति ।
चंचल मनस दिम वुन्य शान्ति
चलिहेम जूनि हुन्द प्रोनुय ॥
ईश्वरस्वरूपस दित्युम वोनुय ॥

कृपा करथ आख हरिद्वार,
तति दोरथ पान कृष्ण अवतार ।
नल्य रंगजाम दित्युतथ कृष्णदर्शनय
ईश्वरस्वरूपस दित्युम वोनुय ॥

कृष्णरूप आख असि पाप हरने
असी लग्य तन नाव चोन स्वरणे ।
होलि रंगकुय कोरथ वर्षुनय ॥
ईश्वरस्वरूपस दित्युम वोनुय ॥

छुखन कंसी करान चय निराश,
 मेति छय सरय च्यनी आश ।
 च्यनी कृपा चोन ध्यान धारुनय ॥
 ईश्वरस्वरूपस दित्युम वोनुय ॥

कोताह थोद छु च्योन अधिकार,
 म्यानि नावि दित पानय तार ।
 संसार छुम सनी खोत सोनुय ॥
 ईश्वरस्वरूपस दित्युम वोनुय ॥

पापन म्यान्यन करत सूर
 यिम छिम अवगुण करतम तिम दूर,
 गाश यियम चलिहेम ओनुय ॥
 ईश्वरस्वरूपस दित्युम वोनुय ॥

ईश्वरस्वरूप छम म्य च्यनी सथा,
 हावतम पानय रच वथा ।
 पापव छुम कोरुमुत त्रोनय ॥
 ईश्वरस्वरूपस दित्युम वोनुय ॥

शक्ति दितम छलहय पूज्य पाद,
 बोजतम यिहोय म्योन फरियाद
 पान छुख भगवान ज्ञानवुनय ॥
 ईश्वरस्वरूपस दित्युम वोनुय ॥

विनती

भावनायि सान आयिसय भोजतम यि विनती,
कर म्य प्यठ अनुग्रह दितम चरणन हंजय भक्ती ।

छुख दयावान पानय चय भगवानय,
यिम पथर पेमत्य तिमन छुख थोद तुलनानय ।
छस ब मूर्ख दितम वुन्य ज्ञानची शक्ति ॥
कर म्य प्यठ अनुग्रह दितम चरणन हंजय भक्ती

चनी कृपा छम म्य छुम असरय चोनय,
छस ब सन्तापय दज्मच छुख च सायेवान म्योनय ।
चन्य दयादृष्टि छम म्य वर्षा अमृतची ॥
कर म्य प्यठ अनुग्रह दितम चरणन हंजय भक्ती ।

रोटुमुनुय छुम म्य वुन्य चोनय दामानय,
पादिकमलन तल म्य रछतम वुन्य च पानय ।
चान्यन पादन लागहय भावक्य कारेपती
कर म्य प्यठ अनुग्रह दितम चरणन हंजय भक्ती ।

वन कस चेय रोस ब पननि मनकुय यि भाव,
हृदयस मंज थावह अख यि चोनय नाव ।
पानय लेखतम यि नाव उंकार सती ॥
कर म्य प्यठ अनुग्रह दितम चरणन हंजय भक्ती ।

हेछह ज्ञान त ध्यानय छसना वय मूर्खय,
 म्योन वथ हावन वोले छुख च पान भगवानय ।
 गाशि रोस छस आशि छम छुख म्य सत्य सती ॥
 कर म्य प्यठ अनुग्रह दितम चरणन हंजय भक्ती ।

पजि मनय छसय अज ब यहोय वर मंगान,
 गछि म्य चन्य पादस्मरण आदि अन्तस तान्य ।
 पादि कमलन तल ब आयिसय करनी अस्तुती ॥
 कर म्य प्यठ अनुग्रह दितम चरणन हंजय भक्ती ।

छुमन सन्च्यथ केह ति करहय ब अपण ।
 चोनुय अनुग्रह युस म्य छुम सुय छुम बोड धन ।
 वय त बान्धव सरी छम चनी अख भक्ती ॥
 कर म्य प्यठ अनुग्रह दितम चरणन हंजय भक्ती ।

मन की पोश

मनकियव पोशव करहय वशोण,
 म्यति दित पादुन हुन्द दर्शुन ॥

यिम चन्य पाद स्मरण छि करान,
 तिमनय छुख भवसर तारान ।
 म्यति करत सुय अनुग्रह बोजत म्योन ॥
 म्यति दित पादुन हुन्द दर्शुन

च्यानि पादि गरदि सत्यदुःख त दधय बलान,
 मनुकुय मल छु असि छलन यिवान ।
 ज्ञानवानव यिहोय ज्ञान पानै जोन ॥
 म्यति दित पादुन हुन्द दर्शुन ।

यिम पूज्यपाद च्यन्य छि प्रजलान,
 यिथि पम्पोश डलस मंज छि फोलान ।
 न्यथ करहय भावपोशि वशुन ॥
 म्यति दित पादुन हुन्द दर्शुन ।

अनुग्रह कोरथम चेय पानय,
 वय मूर्खय ज्ञान मा ज्ञानय ।
 पानय छुय वुन्य मटि भार म्योन ॥
 म्यति दित पादुन हुन्द दर्शन ।

अन्तरयमी छुख पानय,
 पाठ पूजा ब मा ज्ञानय ।
 फुचिमचि नावि म्यानि छुख तारवोन ॥
 म्यति दित पादुन हुन्द दर्शुन ।

क्याजि छुम म्य रोज्ञान चंचल मन,
 पादन करहय प्राण अर्पण ।
 म्यान्यन दुःखन छुख पानै ज्ञानवोन ॥
 म्यति दित पादुन हुन्द दर्शुन ।

मन की मुशक्रिल करतम हल ।
 रोज्ञहा चान्यन पादन तल ।
 पानय छुख च सोरुय ज्ञानवोन ॥
 म्यति दित पादुम हुन्द दर्शुन ।

आमुत छुख पानै शैव अवतरी,
 पादिकमलन लगहय परी ।
 छुख शंकर भगवान् शूभवोन ॥
 म्यति दित पादुन हुन्द दर्शुन ।

अशि सत्य छलहय यिम सुन्दर पाद,
 करत म्य पानय सात सात याद ।
 भाव पोश हयथ ब प्रारान यित सोन ॥
 म्यति दित पादुन हुन्द दर्शुन ।

व्यलपत्र चारहा चानि वेरे,
 ईश्वरस्वरूप लागहय शेरे ।
 विनती छसय करान वोझ जार म्योन ॥
 म्यति दित पादुन हुन्द दर्शुन ।

ज्ञानुक सागर छुख पान चय,
 चनिस बरसतल प्रारान वय ।
 पापन छुख चय नाश करवोन ॥
 म्यति दित पादुन हुन्द दर्शुन ।

भावपोशन करहय मानय,
 वलन • आमन् छस मोह जालय ।
 मोहजाल मोकलाविम नाव चोन ॥
 म्यति दित पादुन हुन्द दर्शुन ।

जनमदिन दोह छुख दर्शुन दिवान,
 रंग रंग पोशिमाल छय शूभान ।
 तीजमुस्त भगवान् छुख शूभवोन ॥
 म्यति दित पादुम हुन्द दर्शन ।

पानय छुख असि टयोक् लागान,
 असि भक्त्यन छुख भक्ती दिवान ।
 भक्त्यन हुन्द भाव छुख वुछवोन ॥
 म्यति दित पादुन द दशुन ।

त्रवि म्य गम गोस सरी,
 दिनरात करान छस च्य जरी ।
 चय म्योन मोल मज्य कबील कोन ॥
 म्यति दित पादुन हुन्द दशुन ।

भक्ति-भाव

भक्ति भाव चोनुय छु जायि जाये
 पान वन्दहय चानि लीलाये ॥

आश्रम प्यठ द्राख यात्रा करने
 असि पापियन हन्दि पाप हरने ।
 शैव रूप लगहय कृष्ण लीलाये ॥
 पान वन्दहय चानि लीलाये ।

ईश्वर स्वरूप यलि योत वोतुख,
 हरिद्वारस मंज पान ब्यूठुक ।
 बिहित ओसुख निशि गंगाये ॥
 पान वन्दहय चानि लीलाये ।

यति असी अस्य सरी छारान,
 चनिस दर्शनस प्रारान ।
 जानवुन चय सारिनय हँज माये ॥
 पान वन्दहय चानि लीलाये ।

शारिका दीवी प्रभाजी असय सती,
 जायि जाये हविथ रूप कती ।
 हाव्यथ यिम कृष्ण लीलाये ॥
 पान वन्दहय चानि लीलाये ।

यलि योत आख गय सरी शाद
 करिथ सारिनय हुन्दि पूरय मुराद ।
 सारिनय दशुँन दियतुथ पननि पननि जाये ॥
 पान वन्दहय चानि लीलाये ।

अवतार दरिथ आख पानय,
 दशुँन दियतुथ असि भगवानय,
 पापन कोरुथ मोकलन पाये ॥
 पान वन्दहय चानि लीलाये ।

यलि यति द्राख गय असि आरकती
 रोजहव अस्य चये सत्य सती ।
 गुरुदेव लगहोय पोत छाये ॥
 पान वन्दहय चानि लीलाये ।

भगवान गोख अज असि निश दूर,
 धारनायि मंज दिज्जि दशुँन जरूर ।
 दित शान्ति पननि यछाये ॥
 पान वन्दहय चानि लीलाये ।

कति छान्डोथ कथ जायि प्रारोय
 गूपियन हन्दि पठय पत लारोय ।
 ईश्वरस्वरूप छुख प्रथ जाये ॥
 पान वन्दहय चानि लीलाये ।

गुरुदेव दियचथम म्य सामरथ,
 यिम हरफ लेखनस हवथम वथ
 केहति ज्ञानहन पननि मुखताये ॥
 पान वन्दहय चानि लीलाये ।

करतम मंगल

सदगुरु करतम वुन्य म्य मंगल,
 रछुम वुन्य पादिकमलन तल ॥

वुजान छुम चानि भक्ती हुन्द श्रेह,
 करतम पानय वुन्य अनुग्रह ।
 गछिहेम युथ शुद वासना निर्मल ॥
 रछुम वुन्य पादिकमलन तल ।

दयायि हुन्द सागर छुख च पानय,
 पाठ पूजा ब मा जानय ।
 म्य छम मोह जाल ची गांगल ॥
 रछुम वुन्य पादिकमलन तल ।

म्य छुम वुन्य आसरय चोनुय,
 दितम वुन्य पान दर्शोनुय,
 छलन यियिहेम मनुकुय मल ॥
 रछुम वुन्य पादिकमलन तल ।

पनुन दर्शुन वुन्य म्य हावतम,
 दया दृष्टि वुन्य म्य त्रावतम ।
 रोजिहेन म्य मन चंचल ॥
 रछुम वुन्य पादिकमलन तल ।

गुप्तगंगायि छु आश्रम चोन,
 च छुखना दयासागर म्योन ।
 प्रारान छसय चनिस बरस तल ॥
 रछुम वुन्य पादिकमलन तल ।

छु ईश्वर आश्रम स्वर्गद्वार,
 दिवान छुख सानि नावि तति तार ।
 यिवान असि तति ज्ञानुक बल ॥
 रछुम वुन्य पादिकमलन तल ।

छि आथवार तति शील मारान,
 दीव दिवता तती प्रारान ।
 अज्ञानियन छुख दिवान ज्ञान बल ॥
 रछुम वुन्य पादिकमलन तल ।

दिवान छुख पान ज्ञान उपदेश,
 त्रेशि हंत्यनय चलान तति त्रेश ।
 चावान छुख अमृत जल ॥
 रछुम वुन्य पादिकमलन तल ।

च	छुखना	पानय	महादेव,
च्य	पूजान	छिय	सरी देव ।
करान	छुख	सारिनय	मंगल ॥
रछुम	वुन्य	पादिकमलन	तल ।
म्य छम	वुन्य	सरय	चन्य आश,
मूर्खन	अनान	छुख	पानय गाश ।
पपियन	करान	छुख	निर्मल ॥
रछुम	वुन्य	पादिकमलन	तल ।
हृदयस	मंज	छम	म्य भक्ती,
दितम	पानय		ज्ञानशक्ती ।
अज्ञानी	छस	दितम	ज्ञानबल ॥
रछुम	वुन्य	पादिकमलन	तल ।
पूज	करहय	चान्यन	पादन,
कन	थावतम	यिमन	नादन ।
अनुग्रह	करतम	चल्यम	गांगल ॥
रछुम	वुन्य	पादिकमलन	तल ।
दयादृष्टि	छुख	यस	त्रावान,
छिहन	पापव	निश	सु मुकुलावान ।
छे	रोजान	तस	धर्मच कल ॥
रछुम	वुन्य	पादिकमलन	तल ।
योदवय	छुख	च	दूर रोजान,
भक्तन	छुख	सत्य	सत्य आसान ।
विपदा	छन	यिवान	नख तल ॥
रछुम	वुन्य	पादिकमलन	तल ।

बिहित छुख च गुप्त गंगाये,
 म्य छुम वुन्य चोनुय साये ।
 शरण आयसय व पादन तल ॥
 रछुम वुन्य पादिकमलन तल ॥

व्यलपत्र-पूजा

व्यल तय मादल व्यन गुलाव पम्पोशिदस्तय
 पूजायि लागस गुरुदेवस त भगवानसतय

गाश ओन अमि संसारसतय,
 शशि सरी छिस दस्वस्तय
 पादुकाये पोश लागहसतय
 पूजायि लागस गुरुदेवस त भगवानसतय ॥

दियुत अमि असि अज्ञानियम ज्ञान,
 पानय ज्ञानयवुन छुय भगवान
 पम्पोशि नेत्र शूभान छिसतय
 पूजायि लागस गुरुदेवस त भगवानसतय ॥

योगमयायि किन्य दियतुन असि नाद,
 हयत असि पूजनि अमिसन्दी पाद ।
 गाश ओनुन असतय असतय ॥
 पूजायि लागस गुरुदेवस त भगवानसतय

असस असि प्यठ कृपा करनि,
 दितिन असि पननी पाद स्वरनि ।
 सुन्दर पादन पूजान छिसतय ॥
 पूजायि लागस गुरुदेवस त भगवानसतय

व्यल पत्र हयथ असि असी प्रारान,
 गुरुपादन अस्य असी छारान ।
 वुन्य असि तिमन पूजान छिसतय ॥
 पूजायि लागस गुरुदेवस त भगवानसतय

तस छि गछान शरण सरी,
 भावपोश लागान चरी चरी ।
 व्यल त मादल गुलाब दस्तय ॥
 पूजायि लागस गुरुदेवस त भगवानसतय

निन्दरि वृजनाविन असि सरी,
 पादिकमलन लगहोस परी ।
 प्राण सनी अर्पण छिसतय ॥
 पूजायि लागस गुरुदेवस त भगवानसतय

छाडान अस्य असि भगवानसतय,
 वनि दित्यय असि निशातसतय ।
 वथ आयि असि गुरुद्वारसतय ॥
 पूजायि लागस गुरुदेवस त भगवानसतय

गुरुद्वारस अन्दर चायस,
 गुरुदेवस परन पेयस,
 सुमन भावपोश लागहसतय ॥
 पूजायि लागस गुरुदेवस त भगवानसतय

वयं मूर्ख्यं ज्ञानं मां जानय,
 चयं भगवान् वथ मे हावानय ।
 भक्ते भावुक जयजयकार असिनसतय
 पूजायि लागस गुरुदेवस भगवानसतय

भक्ति हुन्द रंग

निश असित मत वासतम म्य दूर,
 भगवान् मत रोजतम म्य दूर ॥

प्रभाव च्योन यन असि प्यव
 पापन सानिन तन नाश गव ।
 चानि अनुग्रह गयि असि दुःख दूर ॥
 भगवान् मत रोजतम म्य दूर

कृपा करथ आख हरिद्वार,
 तति दोरथ पान कृष्ण अवतार ।
 रंग मलिथ दियतुथ असि दर्शन पूर ॥
 भगवान् मत रोजतम म्य दूर

म्य मूर्खस असन केहति जानय,
 होलि दोह आख कृष्ण भगवानय ।
 रंग सत्य कोरथ असि वरुन पूर ॥
 भगवान् मत रोजतम म्य दूर

मनुष्यरूप छुख पान भगवानय,
 म्य मूर्खस छन केंहति जानय ।
 करतम कृपा मूर्खता गछिहेम दूर ॥
 भगवान मत रोजतम म्य दूर

छयुक च पानय जानुक सागर,
 दित पानय म्य तियुथय वर ।
 युथ दियतुथ गूपियन ज्ञान पूर ॥
 भगवान मत रोजतम म्य दूर

वन कस चेय रोस मनुकुय सीर,
 छस पापन मंज गमच व गीर ।
 अवगुण म्यनी करत पानय च दूर ॥
 भगवान मत रोजतम म्य दूर

गुप्त गंगाये छुख चय रोज्ञान,
 सारिनय हन्दि अरचर बोज्ञान ।
 निश छुख सारिनय छखन दूर ॥
 भगवान मत रोजतम म्य दूर

तति आश्रम चोन स्वर्गद्वार,
 अन्दि अन्दि पोशचमन वसान आवशार ।
 गाशि रसित्यन यिवान तति गाशपूर ॥
 भगवान मत रोजतम म्य दूर

आथवारि छि तोत सरी लारान,
 चनिस उपदेशस छि प्रारान ।
 चानि उपदेशि सत्य यिवान ज्ञान पूर ॥
 भगवान मत रोजतम म्य दूर

न्यथ प्रभात दितम दर्शनुय,
 चलिहेम जूनि ज्ञन श्रोनुय ।
 अभिलाष छम यिहोय करतम पूर ॥
 भगवान मत रोज़तम म्य दूर

ईश्वरस्वरूप भोज़तम प्रार्थना,
 न्यथ प्रभात छस करान आराधना ।
 भक्तन हन्दि प्रण छुख करान पूर ॥
 भगवान मत रोज़तम म्य दूर

छियुम मनस मंज यिहोय अभिप्राय,
 थावतम पादुकाये निश जाय ।
 गच्छहन म्य यिम अवगुण दूर ॥
 भगवान मत रोज़तम म्य दूर

युस चोन नाव गरि गरि स्वरे,
 तस क्या कांहति विपदा करे ।
 भक्तन छुख सत्य सत्य छुखन दूर ॥
 भगवान मत रोज़तम म्य दूर

करतम शुद्ध म्योन मन

सदगुरु करतम शुद्ध वुन्य यि म्योन मन,
 पूजा करह्य व पादिकमलन ॥

वनि म्य दियतमय जायि जाये,
 रोज्ञान छुख च गुप्तगंगाये ॥
 तोत वथ हवनम भक्ति भावन ।
 पूजा करहय व पादिकमलन

पाद छलहय अशिवानि सती,
 पूज करहय प्राणव सती ।
 भावपोश लागहय सुव शामन ॥
 पूजा करहय व पादिकमलन

वेरि चानि थविमय म्य पोश चरी चरी,
 अछि लोसम प्ररि प्ररीये ।
 यित भगवान वुन्य लागहय पादन ॥
 पूजा करहय व पादिकमलन

लोल सान अनिमय म्य पोशि मालय,
 अज यियि भगवान सोन सालय ।
 नल्य त्रावह यिम पूज करहय पादन ॥
 पूजा करहय व पादिकमलन

यिम पूज्य पाद चन्य छिय सुन्दरय,
 थावतम यिम हृदयस अन्दरय ।
 रोज्ञह यिमनय गरि गरि शरण ॥
 पूजा करहय व पादिकमलन

शूभायमान छय यि सुन्दररूप,
 नेत्र कमल छिय तेज स्वरूप ।
 दया दृष्टि छुख पान त्रावन ॥
 पूजा करहय व पादिकमलन ॥

विनती छय दितम आशीर्वाद,
 न्यथ पूजहय मनस मंज चन्य पाद ।
 प्राण पननी करहय व अर्पण ॥
 पूजा करहय व पादिकमलन

हृदयस मंज जपह चोनुय नाव,
 पादिकमलन छुय म्योनुय प्रणाम ।
 मूर्खन हन्जि नावि छुख च तारन ॥
 पूजा करहय व पादिकमलन

छम मनसय मंज म्य भक्ती चनी,
 भोजतम वुन्य यिम जार म्यनी ।
 करत वुन्य म्यनी पूरय प्रण ॥
 पूजा करहय व पादिकमलन

चय छख म्योनुय सुख त आनन्द
 पूजा करहय व पादिकमलन ॥

पादनुय हुन्द आकार छारहय

छायन चान्यन पत पत लारहय ।
 पादनुय हुन्द आकार छारहय ॥

वन्य व दिमहय इशवर बालन,
 गाश सोरयोम यिमन अछि लालन ।
 शबदन चान्यन वय कन दारहय ॥
 पादनुय हुन्द आकार छारहय

प्रारान छस वुन्य व तथ सातसय,
 वनि वय दिमह निशातसय ।
 तति चान्यन नादन कन दारहय ॥
 पादनुय हुन्द आकार छारहय

आदि प्रभातन व दर्शनस प्रारहय,
 भावुक ओश व दारि दारि हारहय ॥
 हावतम शैवरूप दर्शनस प्रारहय ॥
 पादनुय हुन्द आकार छारहय

सुबह शामन करहय पूजायि संज,
 आवाज चन्य रट हृदयस मंज ।
 व्यल त मादल पूजायि किथ चारहय ॥
 पादनुय हुन्द आकार छारहय

सुलि वथह वय संगर मालनय,
 प्रेयमुक दोध फिरहय प्यालनय ।
 सुय हियथ बरसयतल चैय प्रारहय ॥
 पादनुय हुन्द आकार छारहय

दकजदनय हुन्द छुख चय रछनवोल,
 पान भगवान छुख जाननवोल ।
 गुप्तगंगायि निशि दर्शनस प्रारहोय ॥
 पादनुय हुन्द आकार छारहय

क्षलवथरन मंज फोलमोत च पम्पोश,
मत रोजतम वुन्य चय रोपोश ।
बोम्बरय सन्दि पठय खुशबू छारहय ॥
पादनुय हुन्द आकार छारहय

युस वोवथम म्य भक्ती हुन्द ब्योल,
भगवान छुख तमिकुय रछनवोल ।
मटि छय म्यनि भक्ती थवत वारय ॥
पादनुय हुन्द आकार छारहय

हीथर गमच छस वस वयज्जन बरय,
दर्शुन दितम पान वुन्य शंकरय ।
अनज्जनी पठी व पत पत लारहय ॥
पादनुय हुन्द आकार छारहय

मूर्ख छस वय ज्ञान मा ज्ञानय,
मोहज्जाल मंज कडतम वुन्य पानय ।
क्रंजिल्यन मंज कोताह व पोन्थ सारय ॥
पादनुय हुन्द आकार छारहय

कोन छुख भोज्ञान आलव म्योन,
गरि गरि छुय म्य आसर चोन ।
म्योन सायेवान छुख तापहच प्रारहय ॥
पादनुय हुन्द आकार छारहय

वनतम भगवान कथ जायि छुख चय,
अनिसारी छोड़मख लोभमय न पय ।
पूजहय चनी पाद ततिथय व प्रारहय ॥
पादनुय हुन्द आकार छारहय

दयायि हंज दृष्टि त्राव

सद्गुर बुजर म्य नजदीख आव,
दयायि हंज दृष्टि वुन्य म्य त्राव ।

दकजद असस गमच वय,
अवतार दरिथ आहम म्य चय ।
खरथ म्यनि फटमच नाव ॥
दयायि हंज दृष्टि वुन्य म्य त्राव

मल्य माजि रछनस स्यठा टठय,
संसार वुछ म्य स्यठा कूठय ।
छांङनि द्रायस अद चोन नाव ॥
दयायि हंज दृष्टि वुन्य म्य त्राव

यन म्य लोबमय चोनुय पय,
तन छमन म्य कन्सी हुन्दुय वय ।
सत्य सत्य छम म्य चोनुय नाव ॥
दयायि हंज दृष्टि वुन्य म्य त्राव

यलि बूजथ यि प्रार्थना म्यनि,
दिथचम पानय सुन्दर वणी ।
वनिमय पननि मनकी भाव ॥
दयायि हंज दृष्टि वुन्य म्य त्राव

कङ्कतम वुन्य म्य यमि अनिगटे,
 भार म्योन छुय पानसय मटे ।
 दामान रोटमय म्य म वुन्य त्राव ॥
 दयायि हज दृष्टि वुन्य म्य त्राव

हेचमच असम नारन्य रेह
 कोरथम पानय च्य अनुग्रह ।
 दियुतथम पादन हुन्द भक्तिभाव ॥
 दयायि हज दृष्टि वुन्य म्य त्राव

छम न च्य रोस कंसि हंज आश,
 चय म्यान्यन नेत्रन हुन्द गाश ।
 गाश छुमन अथ रटिथय म्य पकनाव ॥
 दयायि हज दृष्टि वुन्य म्य त्राव

सन्तापय छस दजमच वय,
 अमृत वर्षुन करतम चय ।
 चानि कृपायि चलयम आमताव ॥
 दयायि हज दृष्टि वुन्य म्य त्राव

अनजनी मंज छस वय पकान,
 मूर्ख छस छमन म्य वथ यिवान ।
 सद्गुर पानय वथ म्य हाव ॥
 दयायि हज दृष्टि वुन्य म्य त्राव

क्याह करि म्य कबील त कोनुय,
 लेखतम पान नोव कर्मलोनुय ।
 यमि सत्य स्वरह अख दयि नाव ॥
 दयायि हज दृष्टि वुन्य म्य त्राव

हृदयस मंज रोजतम बसिथय,
 वासतम पान भृषवस खसिथय ।
 अन्त समयस म्य सुय दर्शुव हाव ॥
 दयायि हज दृष्टि वुन्य म्य त्राव

छुम मनसय मंज वुन्य अभिलाष,
 अनतम पानय ज्ञानुक गाश ।
 तारन वोल छुख चय म्यन्य नाव ॥
 दयायि हज दृष्टि वुन्य म्य त्राव

छुमन संचथ केंह करहय अर्पन,
 गरि गरि छांडान छुय म्योन तम ।
 छुय कमलायि हुन्द यहोय भक्ति भाव ॥
 दयायि हज दृष्टि वुन्य म्य त्राव

अज फोल पम्पोश

अज फोल पम्पोश प्रेममय सरसय,
 जनमय दिन अज सदगुरसय ॥

दोरथ अज पान कृष्ण अवतार,
 श्री मातायि ओसुय दियुन तार ।
 वहिकुक पोश फोल अरिनिमालि सरसय ॥
 जनमय दिन अज सदगुरसय

वहिकचि वश दोह दियतुथ दर्शोन,
 रामन हियोत पानय नचोन ।
 जनम हियोतुथ नारायण निस घरसय ॥
 जनमय दिन अज सदगुरसय

रामन दोष आव अज लक्षमण,
 लोल सान करितव अज कीर्तन ।
 जनमुक दोह छु अज पान शंकरसय ॥
 जनमय दिन अज सदगुरसय

जनमस आख कलियोगस मंज,
 भाग्यवान माजि रोछनख खोनि मंज ।
 गाश आव नारायणनिस घरसय ॥
 जनमय दिन अज सदगुरसय

वाल पान प्यठय ओसुख जनी,
 योस लीला असि कंसि न जनि ।
 यलि जोन गयि शरन चययि सदगुरसय
 जनमय दिन अज सदगुरसय

ज्ञानवान ओसुख त्रिवुथ घरवार,
 श्रीमातायि वनिनय वीलजार ।
 दोपनय बेहमव मंज ईश्वरसय ॥
 जनमय दिन अज सदगुरसय

तपस्या करथ पान गुप्तगंगाये,
 ज्ञोननख पान श्री शारिकाये ।
 पूजा करनय योगीश्वरसय ॥
 जनमय दिन अज सदगुरसय

शोल मारान अज यि जन्मदिन चोन,
 भक्तन छुख दिवान अज दर्शोन ।
 तार दिन वोले छुख चय भव सरसय ॥
 जनमय दिन अज सदगुरसय

चय छुख भगवान पान उपकरी
 आमत्य छिय शरण अज सरी ।
 ज्ञानक्य अम्बर हयथ गछव घरसय ॥
 जनमय दिन अज सदगुरसय

असि पपियन छुख दिवान दर्शोन,
 मनकुय मल छुख गालान प्रोन ।
 पूजा करव अज शिव शंकरसय ॥
 जनमय दिन अज सदगुरसय

चानि भक्ति हुन्द कोताह छु जोर,
 दिली प्यठ आयसय लारान योर ।
 भावपोश लागहय चय सदगुरसय ॥
 जनमय दिन अज सदगुरसय

भेंट जन्मदिन-१९७४

ओवर तल सिरिय प्रकाश नोन द्राव
 पान भगवान अज जनमस आव

उमकारस मंज पान शवनाथ
 रुत दोह अज नेछत्र त साथ
 कलि योगस पाप गालनि आव ॥
 पान भगवान अज जनमस आव ॥

जनम हियोतुन भाग्यवान माजि निशी
 त्रेवनस पानय कृपा दृष्टि
 जोन तमि भगवान म्य सन्तान आव ॥
 पान भगवान अज जनमस आव ॥

वाल लीलायि हाव्यन माताये
 यिम कृष्णन हावि जोसदाये
 पान कृष्ण अवतार जनमस आव ॥
 पान भगवान अज जनमस आव ॥

अख अवतार सास वध्य छिस नाव
 थोद कोताह अमिसुन्द प्रभाव
 कुस हिकिय गंजरिथ अमि सँदि नाव ॥
 पान भगवान अज जनमस आव ॥

अजिकि दोह पोन्थ वुज्येव नागन
 पोश फल्य इशिवेर क्यन भागन
 अज ताप हत्यनय शेहजार आव ॥
 पान भगवान अज जनमस आव ॥

यन दोर अमि पानय अवतार
 कोरुन सान्यन पापन संहार
 खोरुन पनन्ये कुलकुय नाव ॥
 पान भगवान अज जनमस आव ॥

रूप छुस प्रजलान जन जोतीं
 प्रव छे प्यवान वुछूनय सती
 तीज सोस्त शंकर भगवान ॥
 पान भगवान अज जनमस आव ॥

केह समय बितोवुन गरसय मंज
 योग ओस साधान मनसय मंज
 त्रोवुन अकि दोह गरकुय भाव ॥
 पान भगवान अज जनमस आव ॥

गरि द्राव भूजुख छु साद माल्येन
 श्री माता लजिस पान छारने
 गुरु संजि आज्ञायि वापस आव
 पान भगवान अज जनमस आव ॥

तपस्या करनि ब्यूठ गुप्तगंगाये
 कृपा करन श्री शारिकाये
 दियुतनस पनुनुय भक्ती भाव ॥
 पान भगवान अज जनमस आव ॥

मातायि दोपनस रोज च्ये सती
 छुख भगवान छम चनी प्रीती
 चेय निशि स्वर वुन्य चोनुय नाव ॥
 पान भगवान अज जनमस आव ॥

माता पिता रुदिस सति सती
 भगवानस ति अस तिहंज प्रीती
 भवसर तरन तिहंजय नाव ॥
 पान भगवान अज जनमस आव ॥

माता असस दोध त थन्य खयावान
 भाव सान दुध खस्य आपरावान
 जुसदा अस करान कृष्णस भाव ॥
 पान भगवान अज जनमस आव ॥

स्व माता अस पान अनपूर्ण
 वोछि होत ओसन तति नेरान कांह
 जगत माता अस करान सारनय भाव ॥
 पान भगवान अज जनमस आव ॥

गुरुपूजा

अज ओंकार द्राख मज नोन सरय
 पूजा करहय व शंकरय ॥

बहिक गटपछि बश प्यव प्रकाश
 सरिसय जगतस आव तन गाश
 नागन पोन्थ वुज्येव जर जरय ॥
 पूजा करहय व शंकरय ॥

अज दियुतुथ भगवानय दर्शोन
 आकाशि प्यठ प्यव पोशि वर्योन
 रंग रंग पोशन गय अम्बरय ॥
 पूजा करहय व शंकरय ॥

गुरु नावचि महिमा

कोताह वजर गवरँ सँदिस नावस
सरी शरण यिवान गुरु द्वारस ॥

यथ आश्रमस मँज गुरु सोनुय
पान उँ शँकर दिवान दर्शोनय
टोठान छु पान भखती स्वभावस
सरी शरण यिवान गुरु द्वारस ॥

छाँडान असस वय भगवानस
वचस यथ चनिस थानस
पान वन्धहय शाँत सोभावस
सरी शरण यिवान गुरु द्वारस ॥

छैन्य त नन्य यिम योत यिवान
भखति भावक्य चन्द वरिथ नेरान
तिम छिन खोचान महाकालस
सरी शरण यिवान गुरु द्वारस ॥

कर्महीन न छख रछनवोल
ग्यानि नावि छुख तारनवोल
नम रठतम वुन्य नावि तारस
सरी शरण यिवान गुरु द्वारस ॥

चय शँकर चय पानय हर
 मँगनि आयिस भखती हुन्द वर
 छम म्य भखती हुन्द हावस
 सरी शरण यिवान गुरु द्वारस ॥

हृदयस त्रावतम पाद आकार
 लवह वय सुय उँकार
 कर पूजा तथि उँकारस
 सरी शरण यिवान गुरु द्वारस ॥

कृपा द्रष्टी हँज करतम वर्षा
 स्वय छम चन्दनचय शीतलता
 शीतलता छ चनिस नावस
 सरी शरण यिवान गुरु द्वारस ॥

योत योत वय छस गछान
 तति तति छिय म्यन्य प्राण छारान
 म्यन्य प्राण अर्पन छिय नावस
 सरी शरण यिवान गुरु द्वारस ॥

चोन शाँत स्वभाव असि ज्ञान अनान
 छुख असवनि मोख द्रष्टी त्रावान
 सूर्यदर्शुन प्यठ ईश्वर बालस
 सरी शरण यिवान गुरु द्वारस ॥

अँद वातनावतम पननि भखती
 ध्यव मेलि हेम म्यति मुखती
 लागय पोश पादन छुम हावस
 सरी शरण यिवान गुरु द्वारस ॥

छसय मंगान पादन हँज सुमर्ण
 योस कृपा कर शबरी रामन
 छस लजिमच व तापनिस तावत
 सरी शरण यिवान गुरु द्वारस ॥

गुरु साधना

करहय पादन पूजा च्ये
 गुरु दिम सोय साधन वुन्य मे ॥

भावके अँशि सूत्य छलहय पाद
 वुजिहेम मनसुँय मँज नागुँराद
 सोँय शीतलता दितम वुन्य मे
 गुरु दिम सोय साधन वुन्य मे ॥

यस पाद-दर्शुन छुख दीवान
 तस छय सोय साधन यीवान
 रातस त सातस स्वरान सुय च्ये
 गुरु दिम सोय साधन वुन्य मे ॥

चान्यन पादन हुन्द श्रह यस
 पानय ज्ञान दिवान छुख तस
 भग्यवानय आसान छ सु श्रेह
 गुरु दिम सोय साधन वुन्य मे ॥

मँगान छसय सोय साधन वुन्य वय
 कन नादन धारतम वुन्य चुँय
 यिम भाव छिम मनस वनहय च्ये
 गुरु दिम सोय साधन वुन्य मे ॥

भयि छुम मूर्खुय बुँ वुन्य रोजा
 करहय पादन न्यथ व पूजा
 सुय भयि चलरावतम वुन्य मे
 गुरु दित सोय साधन वुन्य मे ॥

बुजर आम छस दकँजद गमँच
 बे सहारय पायस प्येमच
 जोनुम छुमन काँह सोर वुन्य मे
 गुरु दिम सोय साधन वुन्य मे ॥

अपजुय वुछम सोरुय संसार
 न छुस वोठ कुनि न छुस कुनितार
 तार दिन वोले भगवान चय मे
 गुरु दिम सोय साधन वुन्य मे ॥

मोह मायायि अनिनस व जेर
 पछतावान छस गोम सुय च्येर
 पापन हुन्द वोर वालतम मे
 गुरु दिम सोय साधन वुन्य मे ॥

प्रार्थ्य प्रार्थ्य वुन्य मे अँछि लोसम
 पूजि लागहय भावकी कोसम
 मनकुय ख्यूव कास्तम वुन्य मे
 गुरु दिम सोय साधन वुन्य मे ॥

मनच्य आवाज

चेय	प्रारान	राव्यम	राँचुय
सोय	आवाज	वाँचय	ना ॥

अशि	सूत्यी	दिमहय	गोड़	बुय
छुख	पानय	भगवान	बोड़	चुँय
पूजि	तुलसी	लागँय	लव	हाँचुँय
सोय	आवाज	वाँचय	ना ॥	

गुरु	पादन	हँज	छम	मे	माय
गुरु	दिम	तिमनय	निश		जाय
गछ	बेदार	निन्द्रे			हाँचुय
सोय	आवाज	वाँचय	ना ॥		

बुजरुक	प्योम	वोन्य	म्य	आकार
यीरुँ	छम	नाव	दिम	बुन्यतार
दकुँजद	नाव	यीर		गामचय
सोय	आवाज	वाँचय	ना ॥	

अपजुय	बुछिम	वान्दव	शुर्य	बाँच
राव	राव्यम	तिमनुय	पथ	राँच
छस	मूर्ख	तुँ	व्ययि	छस
सोय	आवाज	वाँचय	ना ॥	

पछताव छुम क्या कोरम्य वाँसे
 पजरच्य वथ हाँवनमनँ काँसे
 वन्न्यँ शरण आयिसय आरकाँचुय
 सोय आवाज वाँचय ना ॥

मोह जाल मँजु कड़तम पानय
 शरनागतन हुँदि भगवानय
 जालस मँज छस बन्ध गमचय
 सोय आवाज वाँचय ना ॥

आदि अँत दितम वुन्य भक्ती मे
 सुय वर आयिसय मँगने चये
 छस आमतावय दजमाँचय
 सोय आवाज वाँचय ना ॥

चय भगवान पाप गालान
 चय शाप निश मुकलावान
 छसय शरण चेय आमोँचुँय
 सोय आवाज वाँचय ना ॥

बोजतम यि प्रार्थना म्याँनी
 छसय करान आराधना चाँनी
 वुजनावतम न्यन्दुँरे हाँचय
 सोय आवाज वाँचय ना ॥

गुरु अनुग्रह

दुख चलनम अनुग्रह चाने
बोजतम वोन्य सत्गुरु म्याने ॥

चानि डेढि तल वुन्य बुय प्रारह
भावुक ओश दारि दारि हारह
तति प्रारय पादु गरदि चाने
बोजतम वोन्य सत्गुरु म्याने ॥

द्वखु कूपय मँजु व्वोन्य खारतम
व्ययि भवसरसय तारतम ॥
छुख दया सागर गुरु म्याने
बोजतम व्वोन्य सत्गुरु म्याने ॥

दुखियन छुख दुख न्यवारान
पापियन छुख पाप गालान
मोक्ष मेलान कृपायि चाने
बोजतम व्योन्य सत्गुरु म्याने ॥

हरि हर छुख चय योगीश्वर
छिय पूजान यिमन छुख ग्वर
मन लागान तिम पूजायि चाने
बोजतम व्योन्य सत्गुरु म्याने ॥

चय म्यानि सुखकुय सागर
छँसय मँगान भक्ती हुन्द वर
क्या कम गछि भारगाहि चाने
बोजतम वोन्य सत्गुरु म्याने ॥

छस अज्ञांती तु व्ययि बेकस
चेय रोस्तुय बुय वनकस
गुरु रूप छुख भगवान म्याने
बोजतम वुन्य सत्गुरु म्याने ॥

वगिजस भक्ती हन्दि शरय ॥
कन नादन दारतम चय हरय
छाँडान छसय वु वतु चाने
बोजतम वोन्य सत्गुरु म्याने ॥

पादन तल शरण आयिसय बुय
पापन गालन वोल म्य चुय
वखचनहार भगवानु म्याने
बोजतम वोन्य सत्गुरु म्याने ॥

मनुक मन्दर

अशुक म्वोखतय बु खावि जरय
बु सोय पूजा करय लो लो

गुप्तगंगाधि निश व प्रारय
पादआकार तती छारय
छायन व पत पत लारय
दितम दर्शुन ग्वरय लो लो
बुँ सोय पूजा करय लो लो ॥

वुथय वय सँगर मालन
दिमय वनि कोहन त बालन
आश्रम चोन प्यठ बालस
तती दारुना दरय लो लो
बुँ सोय पूजा करय लो लो ॥

दरना दारथ तती प्रारय
पूजायि किथ व्यलपत्र चारय
रोजान तति च शंकर म्योन
तती पूजा करय लो लो ॥

मनुक पम्पोश फुलरावतम
पनन्य पाद तथि अन्दर थावतम
तिमन पादन हँन्जुय सुमरन
मनसय मँज करय लो लो ॥
बुँ सोय पूजा करय लो लो ॥

भावुक म्वोँखतुँ फलि फलि छोरुम
मनचे रजि मँज म्य तोरुम
सुयँ भाव पोशिमालि लोगुम
यहय पूजा करय लो लो
बुँ सोय पूजा करय लो लो ॥

युस छय यि म्योन मनुक मन्दर
 बसिथ रोजतम अथि अन्दर
 मनकिस मँन्दरस मँज ब
 खटिथ पूजा करय लो लो
 बु सोय पूजा करय लो लो ॥

अछि लोसम म्य प्राय प्राँरी
 थवम किशमिश चाँय चाँरी
 भावुक खँड मिलनोवमस
 सुय चन्दनय वरय लो लो
 बुँ सोय पूजा करय लो लो ॥

छम यि चोँनुय म्य प्यठ अनुप्रेह
 बुजान छुम चानि भक्ती हुन्द श्रेह
 बड़रावतम भक्ती वुन्य मे
 सोय विनती करय लो लो
 बुँ सोय पूजा करय लो लो ॥

गुरुपाद महिमा

पोश वथरावहस जायि जाये
 गुरु पादन हँज छम म्य माये

अछि लोसम दर्शनस प्रार्य प्राँरी
 लोलक्य पोश थविम चंरि चरी
 तिमय पादन लागस पूजाये ।
 गुरु पादन हँज छम म्य माये

करनम कृपा दितुनम म्य नाद
 तति हाँविनम तिम पम्पोशि पाद
 नेत्रन लगिम पज्जि माये ।
 गुरु प्रादन हँज छम म्य माये ॥

भावनायि सान वनिमस म्य जॉरी
 वुजुन पानु कन दार्य दॉरी
 दियुतनम पादन हुन्द साये ।
 गुरु पादन हंज छम म्य माये ॥

भक्ति भाव ओसुम मनस मँज
 शीतल पाद दित्यनम अथन मँज
 अमृत वरस्योम तमि कृपाये ।
 गुरु पादन हँज छम म्य माये ॥

तमि शीतलतायि ओननम म्य होश
 त्राम किस मनस फल्यम सुन्न सन्दि पोश
 तिमय पोश लागहस पादुकाये ।
 गुरु पादन हँज छम म्य माये ॥

दित्यनम यलि पाद अथनय मँज
 जाय करमख नेत्रन मँज
 छम गुरु कृपायि हुन्द साये ।
 गुरु पादन हँज छम म्य माये ॥

सुन्दर रूपय छस असवुन
 युथ सिरियि प्रकाश छय खसुवुन
 अमि सुन्द प्रेकाश छ जायि जाये ।
 गुरु पादन हँज छम म्य मोये ॥

मनसय मँज छम यहोय गम
 यीर गमच्य नावि रटिहेम नम
 तार दिविहेम वुन्य कुनि जाये ।
 गुरु पादन हँज छम म्य माये ॥

सातु सातु छस यिम कवितायि परान
 गुरु पादन छस पूजा करान
 तापहचि छम वोनि हुन्द साये ।
 गुरु पादन हँज छम माये ॥

लोलहच प्रार्थना

लोल हत्य छिय अस्य प्रारानो
 दित दर्शन वुन्य भगवानो
 लारान आय अस्य अज सरी
 लागहोय भावपोश चरि चरि
 पादन लागहोय चाव सानो
 दित दर्शुन वुन्य भगवानो ॥

रातस असि चन्य सुमर्ण करान
 व्ययि अस्य पोशन माल करान
 तिम पोशमाल ह्यथ प्रारानो
 दित दर्शुन वुन्य भगवानो ॥

पोश फलिमत्य शवनम सूती
 असि फोलव चानि दर्शन सूती
 चानि पाद गरदि असि प्रारानो
 दित दर्शुन वुन्य भगवानो ॥

चोरव तरफव द्रायि खुशभू
 समाधी मँज विहिथ छख शम्भू
 दीवी छय पान वनवानो
 दित दर्शुन वुन्य भगवानो ॥

आशायिसान आय अज अस्य योर
 यि छ चानी भक्ती हुन्द जोर
 त्राव प्रेकाश वुन्य च भगवानो
 दित दर्शुन वुन्य भगवानो ॥

वेताव गय असि प्ररि प्ररी
 भावनायि सानप्ररान सरी
 हाव सुन्दर रूप छिय प्रारानो
 दित दर्शुन वुन्य भगवानो ॥

भावपोशमाल

भावपोश	छस	मालि	तारान
ग्वर	दर्शनसय	छस	प्रारान

चेय	छारान	राव्यम	रचय
दिम	दर्शुन	छस	तथि
मनस	मँज	छस	चानि
ग्वर	दर्शनसय	छस	प्रारान

छस	मूर्ख	व्ययि	छस	अज्ञानी
वोजतम	वुन्य	अर्चर	म्यनी	
चेय	रोस	छसन	कँसि	पत
ग्वर	दर्शनसय	छस	प्रारान	

मनुकुय	पम्पोश	फोलरातम
भक्ती	हुन्द	रस
ज्ञानुकि	शवनम	चय
ग्वर	दर्शनसय	छस

दुख	वरिथय	यि	मन	म्योन्य
छम	वुन्य	म्य	आसर	चोन्य
गम	दरियाव	मँज	चय	खारान
ग्वर	दर्शनसय	छस	प्रारान	

ग्वर नावस लगय परि परी
 यिम पोश छस थवान चरि चरी
 छम चोन अनुग्रह छस चारान ॥
 ग्वर दर्शनसय छस प्रारान

छिम पोश हृदये मँज नेरान
 भावकि अशि सत्य छिम अदरान
 छस भावपोशेमालि लागान ॥
 गुरु दर्शनसय छस प्रारान

पाप त शाप वुन्य गालतम
 छम दूर मँजिलस वातनावतम
 नत छस कँज्जिल्यन पोन्थ सारान ॥
 ग्वर दर्शनसय छस प्रारान

मनचे मालि हँदि फल्य छिम हली
 लवन छिमन यिवान तिम फली
 वनतम पन किथ पठ्य तारान ॥
 ग्वर दर्शनसय छस प्रारान

मोह त अन्धकार वुन्य कास्तम
 गम दरियावय बोठ खारतम
 मूर्खा अन्यसारि शाह खारान ॥
 ग्वर दर्शनसय छस प्रारान

बुछि हच छस प्रारान प्रभातम
 पूजा करहय दोन पादन
 भक्ती हँदि पोश ह्यथ प्रारान
 ग्वर दर्शनसय छस प्रारान ॥

यीर नाव गमच तारतम

गमके दरियाव मँज बोठ खारतम
यीर छम नाव गमच तारतम

नाव छम हिलि मँज वलनय आमच
वेसहारय छस व वन्ध गमच
छुख दयासागर अमि मँज कड़तम
यीर छम नाव गमच तारतम

कोता क्रूठ वुछुम यि ससार
मँज कँडिनय बीत्योम लोकचार
प्रारेयस जाह पोश मा फोलनम
यीर छम नाव गमच तारतम

तिमय पोश छिम वुन्य फोलिमती
तिम ति छिम कँडिवय वलिमती
आमत्य छिम वुतंलिथ दुश्मन
यीर छम नाव गमच तारतम

किथ पठ्य यिमय पोश फोलरविम
कत्या सँकट म्य ललनविम
तिमय सँकट म्य वुन्य मशिरावतम
यीर छम नाव गमच तारतम

जाह वुछिम न खुशब यिमन पोशन
 छस वदान गाश सोरयोम नेत्रन
 अमि केरि मंजय वुन्य खारतम
 यीर छम नाव गमच तारतम
 अन्दरी गोमुत छम पुचपार
 वननस छमन कैसी निश वार
 यिम छिम खोटि कर्म आयिसयशरण
 यीर छम नाव गमच तारतम

सद् गुरुस प्रणाम

स्वरह सत्गुर सुन्दय नाम
 तमिसूय करह प्रणाम
 गुरु म्योन पानय छु शंकर
 ब्रह्मा विष्णो व्ययि महेश्वर
 कर तस्य पूजा सुब शाम
 तमिसूय करह प्रणाम
 ईश्वर आश्रमस मँज शक्तिमान
 पस्पोशि नेथर छिस शूभान
 दर्शुन तमि सुन्द परमय धाम
 तमिसूय करह प्राणम

सरी	छिस	गछान	शरणय
भक्ति	सान	छिस	परनय
मूर्खन	ति	यिवान	ज्ञान
तमिसूय		करह	प्रणाम

पूजा	करहस	लोल	सूती
गोड़	दिमहस	भाव	आशि
अर्पन	करहस	पननी	प्राण
तमिसूय		करह	प्रणाम

सुय	छम	भवसर	तारन	वोल
फटमच	नाव	म्यन्य	खारन	वोल
मनुष्य	रूप	धरिथ	पानय	राम
तमिसूय		करह		प्रणाम

हृदयस	मंज	थव	गुरु	संज	वणी
चलनम		जन्मक्य	पाप		प्रणी
दूर	मंजिलस	सुय	वात		नावान
तमिसूय		करह			प्रणाम

गुरु	पादन	युस	न्यथ	स्वरे
तस	क्या	महाकालय		करे
तस	पान	सूत्य	सूत्य	राम
तमिसूय		करह		प्रणाम

छ	दयावान	गुरुदेव	सोनूय
लेखान	नोव	कर्मय	लोनुय
असि	कर्मय	खुरि	कासान
तमिसूय		करह	प्रणाम

दिल्ली मंज दासन प्यठ अनुग्रह

यति असिस अस्य दास प्रारान
अनुग्रह करनि आवपान भगवान

बूज यलि गाड़ि मँज यियि सवरी
गयि असि पोशमाल ह्यथ सरी
द्राव गाड़ि मँज पान शोभायिमान
अनुग्रह करनि आवपान भगवान

दर्शुन दियुतन गसे सरी शरन
पादिकमलन प्यठ पेस असि परन
पोशमाल त्राव्यसभक्ती सान
अनुग्रह करनि आवपान भगवान

दर्शन सूति गव असि मन शाद
दुतुन असि दासन सारिनय नाद
दोपुन छम अज गछन नन्दयगाम
अनुग्रह करनि आवपान भगवान

त्रोवुन प्रकाश फीरदिलि खुशभू
वच शेछि सारिनय आव शम्भू
ति बूजिथ आय सरी लारान
अनुग्रह करनि आवपान भगवान

जायि जायि त्रोवुन पनुन प्रेकाश
 ज्ञानक्य शब्द वनिन आव असिगाश
 तमि सँध्यन शब्दन मुखतहरान
 अनुग्रह करनि आवपान भगवान

वारि वारि करन असि पूर आश
 गाशि रस्यत्यन ज्ञन आव असिगाश
 भावसान असिस अस्य प्रारान
 अनुग्रह करनि आवपान भगवान

सारिनय निश पान भगवान आव
 सारिवय कोरहस पनुन पनुन भाव
 पूजा करस असि भखती सान
 अनुग्रह करनि आवपान भगवान

असवुन म्वुख छुस शोभायिमान
 दर्शन सूती छु ज्ञान यिवान
 नेन्द्रे हत्यनय छु वुज्जनावान
 अनुग्रह करनि आवपान भगवान

गुरु पादन हँज छ असि माय
 गुरुदेवस असिन बोड़ आय
 असि दास छिस बोड़ आय काँछान
 अनुग्रह करनि आवपान भगवान

जन्मदोह पूजा

अज्ञ देवलोक प्यठ आमत्यदेवता
सत्गुरुसय करव अज्ञ पूजा ॥

ध्यानस मँज बिहित पान भगवान
अँदि अँदि दीवी छस वनवान
चोख तरफव त्रीवुन प्रकाशा
सत्गुरुसय करव अज्ञ पूजा ॥

भाव पोश ह्यथ आमत्य अज्ञ सरी
पादन लागोस असि चरि चरी
जन्मदोह छुस अज्ञ वहिक बाह
सत्गुरुसय करव अज्ञ पूजा ॥

गुरुदेव मँजबाग शिष्य अँदि अँदि
लागान छिस लोल पोशि गौंधी
त्रावान छु अज्ञ असि दयायि हँज नजरा
सत्गुरुसय करव अज्ञ पूजा ॥

सासबध्य लूक अज्ञ योर यिवान
दर्शनसय छि सरी प्रारान
मन मद्ररस मँज छिस करान पूजा
सत्गुरुसय करव अज्ञ पूजा ॥

पान भगवानय छु दयावान
 असि सारिनय अज लोल बगरान
 बोड़ आय असिनस सुय छु बहारा
 सत्गुरुसय करव अज पूजा

टठि छिस संरी पननि दास
 शामन गिंदनावान तिमन रास
 बढयन त लोकटयन यिवान व्यकासा
 सत्गुरुसय करव अज पूजा ॥

चानि भक्ती हुंद कोताह छु जोर
 आयिसय व शरण पादन तल योर
 गाशि रस्यत्यन हुन्द चय गाशा
 सत्गुरुसय करव अज पूजा ॥

अरत्यन अनाथन हँज छय माय
 म्यति दित पादन तल वुन्य जाय
 म्योन ओश चन्य पाद सुय नादा
 सत्गुरुसय करव अज पूजा ॥

बोजतम यि प्रार्थना

छस मूर्ख व्ययि छसन्न अज्ञनी
 ग्वर बोजतम यि प्रार्थना म्यनी ॥

जगतस आख रछिने पानय
 शरणागतन हँदि भगवानय
 आयस ब शरण छम कृपा चनी
 गुरु बोझतम यि प्रार्थना म्यनी ॥

छुख दयासागर चय भगवान
 पुशरोवमुत छमय चैय पनुन पान
 बीजतम यिम अरत्य नाद म्यनी
 ग्वर बोझतम यि प्रार्थना म्यनी

लगहय सतकिस स्वभावस
 टोठान छुख चय भखति भावस
 योस भखती हव सोधिवनी
 ग्वर बोझतम यि प्रार्थना म्यनी ॥

संसारा वुछुम स्यठा कूठुय
 मँजिला छुम कइन वुनि ज्यूठुय
 छमन केह सामर्थ छम आश चनी
 ग्वर बोझतम यि प्रार्थना म्यनी ॥

आसर छुम वुन्य म्य चोनुय
 चलरावतम जनि हुन्द शोनुय
 अन्यसारि छस छारान पाद चेनी
 ग्वर बोझतम यि प्रार्थना म्यनी ॥

चोरवय तरफव हयोतनम नार
 अन्दरी दजस रोवुम म्य शहजार
 नारस छयवरान छ कृपा चनी
 ग्वर बोझतम यि प्रार्थना म्यनी ॥

चोग गोम छयत रवम अथछि लूर
 अछि हुन्द लाल द्राम गाश छुमने पूर
 हावतम गाश छस वतिदास चनी
 ग्वर वोजतम यि प्रार्थना म्यनी ॥

अससय तन प्यठ बय प्रारान
 नेत्रव कीनी खुन हारान
 दुख मशिरावन वोल चय म्यनी
 ग्वर वोजतम यि प्रार्थना म्यनी ॥

पम्पोशि पादन पूजा

मत मशिरावतम करतम याद
 ग्वर पूजहय अज पम्पोशि पाद

जगतस फीर अज यहय खुशबू
 दर्शुन छख दिवान अज शम्भू
 करान छख सारिनय भखत्यन यादे
 ग्वर पूजहय अज पम्पोशि पाद

आयस अज भक्तिभाव चाने
 यिम पाद छलहय अशिवाने
 मन मँजलिस मँज ललवय पाद
 ग्वर पूजहय अज पम्पोशिपाद

म्योन टोठ दोह चोन जन्मदाह ग्वरय
 वनतम अज कीस पूजा करय
 बोजान छुख अज सारिनय हँदिनाद
 ग्वर पूजहय अज पम्पोशि पाद

थोद कोताह अज्युक दोह शक्तिमान
 पादन करहय ब अर्पन प्राण
 अज न रोजान कैसि घरवार याद
 ग्वर पूजहय अज पम्पोशि पाद

अज्ञानचे निन्दरि वुन्य वुजनावतम
 हृदयस मँज प्रेकाश त्रावतम
 वुजिहेम मनसूय मँज नागराध
 ग्वर पूजहय अज पम्पोशि पाद

कोताह महिमा पाद गरदि चाने
 म्यानि विनती बोजत वुन्य माने
 दितम भखती हुन्द आशीर्वाद
 ग्वर पूजहय अज पम्पोशि पाद

यिम पाद हृदयस मँज थावतम
 न्यथ पूजनच्य सामर्थ वुन्य दितम
 मशिरावतम वुन्य पतियुम टोठ याद
 ग्वर पूजहय अज पम्पोशि पाद

यीर गयम नाव वुन्य बठि लागतम
 कँजि मँज पोन्थ मत सारनावतम
 बोजान छख मूर्खन हँदि नाद
 ग्वर पूजहय अज पम्पोशि पाद

पानय छुख चय जानन वोल
 दरदिल म्योनुय चय मज्य मोल
 चय वोजन वोल म्यन्य फरियाद
 ग्वर पूजहय अज पम्पोशि पाद

भेंट जन्म ध्यान

जनमुक दोह अज सत्गुरुसूय
 पूजा करव अमिस शँकरसूय ॥

लोलक्य पोश ह्यथ अमत्य अज सेरी
 पादन लागोस अज चरि चेरी
 भावनायि सान लागव असि ग्वरसूय
 पूजा करव अमिस शँकरसूय ॥

न्यथर म्यन्य व्यल पत्र सर मादल
 दोशवय त्रावहस अज पादन तल
 प्राण म्यन्य छिस तुलसी लागस हरसूय
 पूजा करव अमिस शँकरसूय ॥

वहिक गटप छि वेश त्रोवुन प्रकाश
 आव करनि सान्यन पापन नाश
 गाश आव नारायननिस गरसूय
 पूजा कवर असिम शँकरसूय ॥

सोंत आव पोश फल्य जायि जाये
तिमय पोश लागहय व पूजाये ॥

ग्वड़ सोंतय फोलुख च अख पोश
जन्मस आख पानय आशुतोश
फीर खुशभू तन जायि जाये
तिमय पोश लागहय व पूजाये ॥

मनष्य रूप दरिथ आख भगवान
भाग्यवान मातायि निश सन्तान
हाव्यथ तमिस बाल लीलाये
तिमय पोश लागहय व पूजाये ॥

यथि सोंतस मँज चोन जन्मध्यन
फल कुलिनय द्रामत्य छि बामन
बादाम फुलया छ जायि जाये
तिमय पोश लागहय व पूजाये ॥

आय असि लारान छु जन्मध्यन चोन
पान भगवान छुख वुछान भाव सोन
कति कति प्यठ आय असि चानि माये
तिमय पोश लागहय व पूजाये ॥

ग्वड़ वर मुचरावनस असि प्रारान
पत दर्शनसूय धिवान लारान
दर्शुन दिवान छुख पजि माये
तिमय पोश लागहय व पूजाये ॥

अज डमरू त सितार वजान
इश्वर नालन पोंन्य गजान

योसमन फुलया छे जायि जाये
तिमय पोश लागहय व पूजाये ॥

पोशि मालन गमत्य छि अम्बरय
छय नल्य शूभान च्य शँकरय
सरी वुछान चानि अथ सुन्दरताये
तिमय पोश लागहय व पूजाये ॥

भावक्यन पोशन गमत्य छि डेर
त्राव दया द्रेष्टी मत करत चेर
प्रारान असि चानी कृपाये
तिमय पोश लागहय व पूजाये ॥

अज भगवान छुख असि टयोक् लागान
सुय आशीर्वाद असि छुख दिवान
चोन आशीर्वाद सोन साये
तिमय पोश लागहय व पूजाये ॥

प्रेप्युन हावनि बिहान छुख भगवान
दीवी अँदि अँदि छय वनवान
छि जहाज पोश बरसान जायि जाये
तिमय पोश लागहय व पूजाये ॥

बोछि हतिनय अज बोछि चलान
सरिनय छुख अज अनुग्रह करान
अनुग्रह चोनुय छ जायि जाये
तिमय पोश लागहय व पूजाये ॥

शामन साज सन्तरय वजान
जल सूती छु आश्रम प्रजलान

गुण चन्ध गँज्रान असि भावनाये
तिमय पोश लागहय व पूजाये ॥

छुख बिहान असि मँजवाग भगवान
छिय असि सेरी थलि थलि वुछान
केंह वुछान रुप चोन केंह पोत छाये
तिमय पोश लागहय व पूजाये ॥

छुख बिहान असि मँजवाग भगवान
छिय असि सेरी थलि थलि वुछान
केंह वुछान रुप चोन केंह पोतछाये
तिमय पोश लागहय व पूजाये ।

सनम्बोख छुख बिहान शँकर भगवान
भक्तीसान छिय असि पूजा करान
बोज्ञान छुख यिम सानि वन्धनाये
तिमय पोश लागहय व पूजाये ॥

ईश्वर स्वरूप भगवान

ईश्वर स्वरूप भगवानो
गुरु रोटमय चोन दामानो

संसारन करनस स्यठा भोर
बय बन्ध शुर्य बेच् कांह ति न सोर

छुम चोन आसर म्य भगवानो
गुरु रोटमय चोन दामानो ॥

मँज दरियावस नाव म्यन्य बन्ध
लवनय छुमन यिवान काँह ति अन्द
नम रटन वोल चय भगवानो
गुरु रोटमय चोन दामानो ॥

चेय रोस वन कस क्या छुम गम
छुमन सुति बाश वन क्या छुम गम
छुख पान सोरय च जानानो
गुरु रोटमय चोन दामानो ॥

छस अनजनी छुमन केँह राह
भेद वनतम पूजायि हँज छे क्याह
यचकाल गोम वुन्य म्य प्रारानो
गुरु रोटमय चोन दामानो ॥

छुख पानय चय अन्तर यामी
कोन छुख बोजान जार म्येनी
सीर पनुनय छसय भावानो ॥
गुरु रोटमय चोन दामानो ॥

दरियावस मँज यीर छम नाव
चोरवुय तरफन वावय वाव
तार दिनवोल चय म्य भगवानो
गुरु रोटमय चोन दामानो ॥

दोधाह छुम अँन्दरी मोधुरुय
वीरि हँदि पठय चामुत धुदरुय

यि दोध चोय रौस न कांह जानानो
गुरु रोटमय चोन दामानो ॥

साथा यितम भोजतम जंरी
भावहय मनकी सीर सरी
ताप हचि छुख म्योन सायिबानो ॥
गुरु रोटमय चोन दामानो ॥

गुरु पूजा

अज्ञा ओंकार द्राख मँज नोन सरय
पूजा करहय ब शँकरय ॥

वहिक गटपछि बेश प्यव प्रकाश
सेरिस्रय जगतस आव तन गाश
नागन पोन्थ वुज्येव जार जरय ॥
पूजा करहय ब शँकरय ॥

अज्ञ दियुतुथ भगवान दशौन
आकाशि प्यठ प्यव पोशि वशौन
रँग रँग पोशन गय अम्बरय ॥
पूज करहय ब शँकरय ॥

भाव पोशन करमय माल अज
पन तोरमस भावचि रज

स्वय रज छम चनुय आसरय ॥
पूजा करहय व शंकरय ।

नल्य छय शूभान यि पोशिमाल
अथ मालि छय उमकारचि चाल
शूभान ओंकारस मंज हरय ॥
पूजा करहय व शंकरय ॥

नेत्रन चान्यन हँजय यि जोती
स्वय वुछनच छम मे प्रीती
स्वय द्रेष्टी त्रावतम हरय ॥
पूजा करहय व शंकरय ॥

सर्व व्यापक छुख च मँज हनि हने
अनि गटि मंज यितम वुन्य वने
म्योन हृदय छुय चोनुय मन्दरय ॥
पूजा करहय व शंकरय ॥

त्रे मूर्ती छुय यि चोनुय रूप
सुव शाम जालहय ज्ञानुक दूष
दान दान तुलसी लागहय हरय ॥
पूजा करहय व शंकरय ॥

छायन छसय व पत पत लारान
बरसय तल छसय वय प्रारान
मुचरावतम दयायि हुन्दुय वरय
पूजा करहय व शंकरय ॥

पूजायि लागहय ही त ब्यल
 सर म्योन छुय पादन तल
 भाव पनुनुय व अर्पन करय
 पूजा करहय व शंकरय ॥

आश्रमस मँज छुख फोलमुत च पोश
 दर्शन चानि सत्य यिवान असि होश
 पम्पोशि नेथर छिय सुन्दरय ॥
 पूजा करहय व शंकरय ॥

रछतम वुन्य मे पादन तल
 शेरि चानि लागहय ब्यल त मादल
 पूनिम त मावसी व्रत चोन दरय
 पूजा करहय व शंकरय ॥

गुप्त दितम पनुन भक्ती भाव
 युथ गूपियन औस कृष्णुन भाव
 चानि भारगाहि क्या कम गछि हरय
 पूजा करहय व शंकरय ॥

आयिसय व शरण आशायि सान
 चरनन हँज छसय भक्ती मँगान
 दितम स्वय भक्ती सद्गुरय ॥
 पूजा करहय व शंकरय ॥

जय जय सतगुरु

जय जय सानि सतगुरु लक्ष्मनय
गटि मँज्र गाश आव चाने ज्यनय

बहिकुचि वाँश दोह त्रोवुथ प्रेकाश
सॉरिसय जगत्तस आव तनु गाश
सोंथ आव फोल खुशभूदार व्यनय
जय जय सानि सतगुरु लक्ष्मनय ॥

श्री मातायि ओसुय कर्मस
भगवान् आहस पान जनमस
धरमुक्य दरवाज्ज ऑय मुचरनय
जय जय सानि सतगुरु लक्ष्मनय ॥

थन प्योख जिगर गई रामस वनने
वृज्ज यलितमि लोग सुई नचने
कोरनय टोठ नाव तभी लक्ष्मनय
जय जय सानि सतगुरु लक्ष्मनय ॥

राम यलि गव परमय धामस
वनिन यहय कथ महताव काकस
ओसुस व राम छुय यि ग्योन लक्ष्मनय
जय जय सानि सतगुरु लक्ष्मनय

जय जयकार चाँनिस यिनसय
 सथ कुल तरि नारायनसय
 स्वन सेंज लव गयि चनि दर्शनय
 जय जय सानि सत्गुरु लक्ष्मनय ॥

फतेकदल छय चन्य ज्यन जाये
 रोजनि आख गुप्तगंगाये
 यति बेगरान छखँ भक्ती धनथ
 जय जय सानि सत्गुरु लक्ष्मनय ॥

कति कति पयठ अज साँरी यिवान
 सारिनय छख अज दया करान
 दुख तँ दाँद्य छि चलान चानि दर्शनय
 जय जय सानि सत्गुरु लक्ष्मनय ।

भखती हंदि पोश अनिमय अज डाले
 लाँगिम यथ भाव पोशि माले
 चोनुय यि अनुग्रह म्योन छुय व्यनय
 जय जय सानि सत्गुरु लक्ष्मनय ॥

गुरु पूजा

बहिकय गटुँपछिची अज बाह
 गुर महेश्वरसुँय करव पूजाह ॥

रुत दोह तुं साथ अज्ज जन्मुच्चन चोन
 शंकर छुख दिवान अज्ज दर्शोन
 चानि दर्शन आव जगतस गाशाह
 गुरु महेश्वरसुंय करव पूजाह ॥

कति कति प्यठ आय अंस्य लारान
 रातस अंस्य अस्य पोश चारान
 तिमव पोशव सूत्य करहोय पूजाय
 गुरु महेश्वरसुंय करव पूजाह ॥

प्रारेय ग्वंडु अंस्य वरसय तल
 प्रार्य प्राये आव असि भक्ती बल
 वर मुचरन आव कर पोशि वर्षा
 गुरु महेश्वरसुंय करव पूजाह ॥

चोरव तरुंफव पोशन हुन्द सर
 तंथ्य मज्ज विहित्थुय छुख शंकर
 शंकर रूपस करान छिय पूजाह
 गुरु-रूप दस्य करव पूजाह ॥

मज्जवाग भगवान दास अंदि अंदि
 लागान छिय लोलुं पोशि गौन्दी
 असुवुंति म्यखुं त्रावान असि नजुराह
 गुरु महेश्वरसुंय करव पूजाह ॥

गुरु रूपदोरिथ छुख भगवान
 रंगें रंगें लीलायि असि हावान
 गाह त्रावन अज्ज यि चांनी शूवाह
 गुरु महेश्वरसुंय करव पूजा ॥

दीवलूक प्यठु अज दीवीयि आये
 चानि जन्म द्यनु चे भावनाये
 दीवताह ति आय करुने अज पूजाह
 गुरु महेश्वरसुंय करव पूजाह ॥

पादिकमलन निश दितम व्वंन्य जाय
 गुरुदेव आँस्यनय चेय बोड़ आय
 अज त्रावतम वुन्य दयायि हँज नजरा
 गुरु महेश्वरसुंय करव पूजाह ॥

बोजतम भगवानय

भावपोश हय्थ आयस लारानय
 बोजतम सत्गुर भगवानय

सोंम्बरविम यिम पोश भावनाये
 अज लागय यिमय पूजाये
 व्ययि तुलसी लागय दान दानय
 बोजतम सत्गुर भगवानय ॥

दर्शुन दिवान छुख अज भगवान
 दीवता आमत्य वेद परान
 अन्दि अन्दि दीवी छय वनवानय
 बोजतम सत्गुर भगवानय ॥

भवसर तरिथक चय सरी
 भगवान् बोजत वुन्य म्यनि जरी
 मूर्खा छस छुम मा केह ज्ञानय
 बोजतम सत्गुर भगवानय ॥

चय पापन हुन्द बोर लोचरावान
 चय दुख कूपय मँज खारान
 शरणागतन हन्दि भगवानय
 बोजतम सत्गुर भगवानय ॥

बसिथय रोजतम मनसय मँज
 स्वरह चन्य पाद हृदयस मँज
 मत रोजतम दूर म्यानि ध्यानय
 बोजतम सत्गुर भगवानय ॥

मन सूती पूजह चन्य पाद
 वुजिहेम सुय शीतल नागराद
 म्यान्यन सीरन हुन्द चय ठानय
 बोजतम सत्गुर भगवानय ॥

तन मन सोरुय चय म्योनूय धन
 भाव पननी करिमँय अर्पन
 छुमन व्ययि केह छुख पान जानानय
 बोजतम सत्गुर भगवानय ॥

गुरु पूजा

गुरु लगयो पम्पोशि पादन ।
क्षमा करतम वुन्य अपराधन ॥

पान शंकर आमुत च अवतरी ।
भवसर तरिथक चेय सॅरी ॥
टोठान चय छुख स्यदन त सादन ।
क्षमा करतम वुन्य अपराधन ॥

आयस लारान अज चानि माये ।
गुरु रोजतम वुन्य म्य दयाये ॥
कन धारतम यिमन अरत्य नादन ।
क्षमा करतम वुन्य अपराधन ॥

प्रारान असस कर यियि वहिक बाह ।
लोलसान करहय अज पूजाह ॥
यिम भावक्य पोश लागहय पादन ।
क्षमा करतम वुन्य अपराधन ॥

टोठ दोह म्योनुव यि जन्मदिन च्योन ।
लोगमुत छ्म अज जूनि हुन्द शोन ॥
अनिगट करनम पननि खोटि कर्मन ।
क्षमा करतम वुन्य अपराधन ॥

छुख पुशरोवमुत दयासागर पानय भगवान ।
 पुशरोवयुत छुमय चैय पनुन पान ॥
 रछिने आमुत छुख असि दासन ।
 क्षमा करतम वुन्य अपराधन ॥

चान्यन वतन दिवान असस वोनुय ।
 बुथि आम दरियावा म्य सोनुय ॥
 तर किथ पठ्य गुरु वथ हावतम ।
 क्षमा करतम वुन्य अपराधन ॥

अपजुय ओसुम यि व्यवहार प्रोनुय ।
 लेखतम अज नोव कर्म लोनय ॥
 सोरुय अपजुय पोज चन्य साधन ।
 क्षमा करतम वुन्य अपराधन ॥

आयस व शरण यथ गुरुद्वारस ।
 कन थवतम वुन्य जारपारस ॥
 वब म्योनुय चय तन मन त धन ।
 क्षमा करतम वुन्य अपराधन ॥

पथर प्येमत्यन छुख थोद तुलान चय ।
 बेसहारय छस गमच वुन्य वय ॥
 मन स्थिर करतम यियिहेम दम ।
 क्षमा करतम वुन्य अपराधन ॥

प्रारय वुन्य यति चानि डेढ़ि तल ।
 दितम वुन्य म्य भक्ती हुँद बल ॥
 यथ वुजरस मँज लग नत पामन ।
 क्षमा करतम वुन्य अपराधन ॥

सोरुय चोनुय केंहति मा छ म्योन ।
 मशिरावतम यि व्यवहार प्रोन ॥
 गम दरियाव मँज बोठ खारतम ।
 क्षमा करतम वुन्य अपराधन ॥

लवहती पोशपूज

भावपोश छिम अज्ज अनिमती,
 तिम पोश लागहय लवहती ॥

ध्यानस मंज बिहान छुख भगवान,
 अंदि-अंदि शिष्य पोश लागान ।
 लोलसान परान गुरुस्तुती,
 तिम पोश लागहय लवहती ॥

दूरि प्यठ आयस ब लारान,
 वहिक वशि असस ब प्रारान ।
 पादन लागहय कारिपती,
 तिम पोश लागहय लवहती ॥

अज्ज दोह आख जन्मस आशुतोष,
 मूर्खन त अज्जिनियन आव होश ।
 ब्यल पत्रन हँज छय प्रीती,
 तिम पोश लागहय लवहती ॥

शिव रूप दरिथ छुख भगवान,
 गुरु रूप असि दया करान ।
 पादन तल छिय पोशि फती,
 तिम पोश लागहय लवहती ॥

डेयकि चन्द्रम छुय प्रजलान,
 नल्य पोशिमालय शूभान ।
 हरषस गय अस्य दर्शन सती,
 तिम पोश लागहय लवहती ॥

छुमन केह संच्यथ करय अर्पण,
 भाव पनुनुय कोरमय अर्पण ॥
 युस भाव चानि कृपायि सती,
 तिम पोश लागहय लवहती ॥

पादन तल दितम वुन्य म्य जाय,
 गुरुदेव असिनय बोड़ आय ।
 आयिस करने अज अस्तुति,
 तिम पोश लागहय लवहती ॥

‘श्रद्धापोष’

धारनायि छस च्योन ध्यान धारान,
 मन मन्दर म्योन छुय प्रारान ॥

रुत दोह अज यि चोनुय जन्मदिन,
 माल करय्य भावक्यन पोशन,
 आयस तिमय ह्यथ अज लारान ।
 मन मन्दर म्योन छुय प्रारान ॥

अवतार आमुत च राम पानय,
 लागय तुलसी दान दानय,
 किथ पठ्य लागाय छस व्यचारान ।
 मन मन्दर म्योन छुय प्रारान ॥

गुरु लगयो शिव दर्शनसय,
 शान्ती दितम चंचल मनसय,
 प्राण म्यनी चोन ध्यान छारान ।
 मन मन्दर म्योन छुय प्रारान ॥

हृदयस मंज रोजतम भसिथय,
 भस्मा मलिथ वृषभस खसिथय,
 नल्य सर्पमाल त्रिशूल धारान ।
 मन मन्दर म्योन छुय प्रारान ॥

नेत्रन मंज थव चञ्च टठि पाद,
 ध्यव रोज्यम न प्रोन व्यवहार याद,
 तिमय पाद छलहय ओश हारान ।
 मन मन्दर म्योन छुय प्रारान ॥

निन्दरि वुज्जनवथस भगवानय,
 मटि छुय वृन्त्य म्योन भार पानय,
 छस मूर्ख छुमन केहति सारान ।
 मन मन्दर म्योन छुय प्रारान ॥

सनिसय क्रिरिस मंज व यीरान,
 भगवान कोन छुख तो व्यचारान,
 अमि सनि केरि मंज चय खारान,
 मन मन्दर म्योन छुय प्रारान ॥

होखुमुत छुम म्य मनुकुय पोश,
 त्रावतम दयादृष्टि यियम होश,
 कठिने भवसर चय तारान,
 मन मन्दर म्योन छुय प्रारान ॥

यमि अनिगटि मंज कडतम मे,
 पादनतल आयसय शरण चे,
 नत छस केजिल्यन पोन्थ सारान ।
 मन मन्दर म्योन छुय प्रारान ॥

भजन

शँकर गजिस वचानि माये
 वनतम च छुख कथ जाये

वनि दिमहय वय जंगलन
 चानि पूजायि लागह तन मन
 पादन तल दितम वुन्य जाये
 वनतम च छुख कथ जाये ॥

पाप करमव सत्य छसब भरी
 यम केंकर छिम चोवापेरी
 करतम वुन्य मुकलन पाये
 वनतम च छुख कथ जाये ॥

क्रूठ कोताह वुछ म्य यि संसार
 छुसन बोठ कुनि न छुस तार
 तार दितम वुन्य च कुनि जाये
 वनतम च छुख कथ जाये ॥

गुड़ नाव चोन छुय उँकार
 वनतम तमिकुय क्या छु सार
 करह हृदयस मँज तथ जाये
 वनतम च छुख कथ जाये ॥

गणेश जियस दियुत्थु गोड़ अधिकार
 जगतुक अधिदेव सुय सरदार
 टोठ सन्तान ओस सु उमाये
 वनतम च छुख कथ जाये ॥

प्यठ कैलासस चोन अख थानय
 दर्शुन दितम वुन्य च पानय
 शोन कोहन प्यठ चँनी जाये
 वनतम च छुख कथ जाये ॥

पूजा करहय भक्ति भाव सती
 गोड़ दिमहय लोल अशि सती
 वजिमच छस व चाने माये
 वनतम च छुख कथ जाये ॥

शेषनाग छय योनि कनि नाँली
 स्वठकवय छिय कनन कण वली
 जटि मँज छय जाय गंगाये
 वनतम च छुख कथ जाये ॥

कल मालय नाँल्य छय शोभान
 शेरि चन्द्रमय छुय प्रजलान
 अगन जोती चानि शोभाये
 वनतय च छुख कथ जाये ॥

शुमशान भस्मा छुय च मलिथय
 जाम छिय सह मुस्लय वलिथय
 अंग छिय स्पर्शन हंज जाये
 वनतम च छुख कथ जाये ॥

न्यथ करह चानि पूजायि सँज
 चेन्य शीतल पाद रट खुनि मँज
 कर तिमनय लोलमत लाये
 वनतम च छुख कथ जाये ॥

खीर सागर मँज द्राव कालकूट
 सारिवय दोष छु जहरय कूठ
 थोवथन सु मँज हटिचे जाये
 वनतम च छुख कथ जाये ॥

हटिच जाय दिचथ कालकूटस
 जहरस बनेव अमृत कुय रस
 नोल कंठ नाव छुय तथ जाये
 वनतम च छुख कथ जाये ॥

अमर नाथ चोन दर्शुन मेलान
छुख पार्वती सूत्य तति खेलान
परजनोवुख तभी वोमाये
वनतम च छुख कथ जाये ॥

जटि मँज योस गँगा छय वसान
वुछह सुय रुप चोनुय असान
त्रेयुम नेथर छुय मँज ड्युक जाये
वनतम च छुख कथ जाये ॥

गुण चाँनी कुस हियकि वनिथय
रुप चोनुय कस ह्यकि नेनिथय
यस चाँणी भक्ती तस छुख साये
वनतम च छुख कथ जाये ॥

ईश्वर जान

पादन करहय ब अर्पण प्राण
करतम पननी ईश्वर जान ॥

गुल्य गँडिथ छसय शरण आमचेय
सतची वथ वुन्य हावतम में
स्वई वथा हावतम लब परमधाम
करतम पननी ईश्वर जान ॥

प्रेरि प्रेरि लूसस वुन्य यूत बय
 करतम वुन्य में अनुग्रह सुय
 छोट वथा हावतम छस अनजान
 करतम पननी ईश्वर जान ॥

कृपा छम वंचस चेनिस दारस
 भोजतम माने वुन्य जारपारस
 भक्ती हुद छसय मँगान वरदान
 करतम पननी ईश्वर जान ॥

अन्यसारि छस व वति पकान
 वथ छमन ईवान छस गारजान
 गाशि रस्त्यन हुन्द छख शमाहदान
 करतम पननी ईश्वर जान ॥

सर पनुन त्रावहय व पादन तल
 छलनावतम यि मनुकुय मल
 बूजरय वुन्य में नजदीख आम
 करतम पननी ईश्वर जान ॥

मन फोलराक्तम जन पम्पोश
 ज्ञानक्य शवनम अनतम होश
 ज्ञानक्य अम्बर चय वाँगरान
 करतम पननी ईश्वर जान ॥

छस सन्तापय दजमच बय
 ताप हच शरणाय आमच चैय
 छुख च ताप हत्यनय हुँद सायवान
 करतम पननी ईश्वर जान ॥

करतम कृपा वनतम सुई पय
 यमि सत्य परजनाव हन बदय
 त्रावतम प्रकाश छस व नादान
 करतम पननी ईश्वर ज्ञान ॥

छस मूर्ख भोजतम यि ज़ाँरी
 त्रावह मोहक्य बन्धन सरी
 दितम स्वई भक्ती गच्छिहेम ज्ञान
 करतम पननी ईश्वर ज्ञान ॥

पोशि वारि मँज्र लोबमख अख पोश
 मत आस्तम रोज्ञान रोपोश
 म्योन मन मन्दर छुय प्रारान
 करतम पननी ईश्वर ज्ञान ॥

दितम सुन्दर पादन हँज म्य माय
 गच्छि हेम पापन मुलकन पाप
 धूप - दीप कनि आलवय व प्राण
 करतम पननी ईश्वर ज्ञान ॥

यलि भखती हुन्द भावम्य यिवान
 न्यथर भ्यन्य ब्यल पत्र छसय लागान
 बे सहारन हुन्द छुख दयावान
 करतम पननी ईश्वर ज्ञान ॥

मनुकुय सीर

ही दयावान आयि सय व शरण च्ये
यमि अनि गटि मँज कड़तम म्ये ॥

मोह जालस मँज गमच छस बन्ध
अमि मंज कड़तम लगिहेम अन्ध
छख दया सागर करतम अनुग्रह
यमि अनि गटि मँज कड़तम म्ये ॥

म्योन मन छुय गरि गरि छारान
भावक्य पोश हियथ छसय प्रारान
यिम पोश लागहय पादन च्य
यमि अनि गटि मँज कड़तम म्ये ॥

छखना चय पानय आशुतोष
पूजि लागहेय वय मनकी पोश
पूर करतम यहेय अभिलाश में
यमि अनि गटि मँज कड़तम म्ये ॥

प्रार कोताह प्ररि प्ररि लूसस वय
इशिवरि वालस प्यठ विहित्य चय
चान्यन पादन हुन्द छु म्य श्रेह
यमि अनि गटि मँज कड़तम में म्ये ॥

पान छुख चय शंकर भगवान
मत आसतम चय दूर रोजान
सुय भयि कास्तम वुन्य चय मे
यमि अनि गटि मँज कड़तम म्ये ॥

दितम पादन हुन्द आसरय
चलरवथम काल थर थरय
छुख दया सागर कोरथम म्य अनुग्रेह
यमि अनि गटि मँज कड़तम म्ये ॥

रोजतम हृदयस मँज मत रोजत दूर
मंजिलस वातनावतम छुम दूर
चय छुख वथ हावन वोल मे
यमि अनि गटि मँज कड़तम म्ये ॥

छुमन सुय वाश हिछहे ज्ञानय
रोटमुत छुम चोन दामानय
मनकुय सीर भोवमय वुन्य च्यै
यमि अनि गटि मँज कड़तम म्ये ॥

कोरथम यलि अकि लटि अनुग्रेह
वुन्य मत तरसावतम चय मे
कँजि पोन्थ मत सारनावतम मे
यमि अनि गटि मँज कड़तम म्ये ॥

सद्गुरु वुन्य मत मशिरावतम
यूत सोन क्रूर मत खननावतम
दयायि हँज द्रेष्टी त्रावतम मे
यमि अनि गटि मँज कड़तम म्ये ॥

विनती छसय करान व भक्ती सान
 दकजदनय हुँन्द छुख च भोजान
 भावसान यि प्रार्थना लीछमय मे
 यमि अनि गटि मैज कड़तम म्ये ॥

अरचर (भक्तजन-दिल्ली)

सदगुरु बूजुथ यि अरचर सोन
 असि छुय भक्ती हुँन्द भाव चोन

सोरुय छु चानि कृपायि हुन्द जोर
 असि आख आशिर्वाद दिनि योर
 दोपुथ असिनव भक्ती भाव म्योन
 असि छुय भक्ती हुँन्द भाव चोन ॥

अन्तरयामी छुख च पानय
 दिचिथ असि आज्ञा भगवानय
 हियोत करुन असि तन कीर्तन चोन
 असि छुय भक्ती हुँन्द भाव चोन ॥

त्रवमच असि असि निन्द्रा जन
 वुज्जनावनि आख पान लक्षमन
 जानन वोल छुख भगवान सोन
 असि छुय भक्ती हुँन्द भाव चोन ॥

निन्द्रि वुज्जनविथ अस्य सेरी
 भूज्जथ पानय सत्य जरी
 दोपुथ आथवारि स्वरितव नाव म्योन
 असि छुय भक्ती हुँन्द भाव चोन ॥

वारि वारि छुख असि घर यिवान
 भक्ती छुख असि बडरावान
 असि गालान मनुंकुय मल प्रोन
 असि छुय भक्ती हुँन्द भाव चोन ॥

आवाज चन्य यलि अस्य बोजान
 तमि सत्य मनसय शंती यिवान
 ब्रोंठ कनि छु यिवान असि रूप चोन
 असि छुय भक्ती हुँन्द भाव चोन ॥

शाद छिय अस्य सरी आसान
 भगवान् छुख असि सत्य आसान
 लोल सान छिय करान पोशर्वशोनि
 असि छुय भक्ती हुँन्द भाव चोन ॥

प्रार्थेना छिय करान अस्य सरी
 पादन लगहोय परि परी
 रोट असि वुन्य दामानय चोन
 असि छुय भक्ती हुँन्द भाव चोन असि ॥

ईश्वर आश्रम

गच्छह व शरण सदगुरस तय
पोशि दसतय लागसय ॥

बिहिथ छु प्यठ इशिवर बालस्तय
तति छु तमिसुन्द आश्रम
ईश्वर आश्रम तथ नाव छुस्तय
पोशि दसतय लागसय ॥

बुथह बय सँगर मालान
खसहे इशिवर कयन बालन
तेतिथय दर्शनस प्रारहस्तय
पोशि दसतय लागसय ॥

प्रारह नेरि भगवान म्योन
दियम पादन हुन्द दर्शोन
सुन्दर पादन पोश लागहस्तय
पोशि दसतय लागसय ॥

ईश्वर आश्रम छु स्वर्गद्वार
फल त फूल छिस बे - शुमार
नागन हुन्द पोन्न्य वसान छुस्तय
पोशि दसतय लागसय ॥

अचह ब तथ अश्रमस अन्दरय
 तति छु शँकर रूप सुन्दरय
 नेत्र कमलन जोती छस्तय
 पोशि दसतय लागसय ॥

बालादरि प्यठ तति बिहिथ राम
 अन्दि अन्दि छिस पोशन हन्दि साम
 शाम रँग वस्त्र नलय छिस्तय
 पोशि दसतय लागसय ॥

सर्वकुल जन शूभान छुस कद
 छुसन सुन्दरतायि काँह हद
 पाद गरदे खुशबू छस्तय
 पोशि दसतय लागसय ॥

असवुन रूप कोताह छुस सुन्दर
 नविथ थवहस मनुकुय मन्दर
 तथि अन्दर ब जाय करहस्तय
 पोशि दसतय लागसय ॥

आमुत अवतार पान भगवान
 रँग रँग लीलायि असि हावान
 तिमन लीलायन छु अमृत रसस्तय
 पोशि दसतय लागसय ॥

शारिका दीवी दियुतुन ज्ञान
 सनमुख छुस पानय भगवान
 प्रभाजी न्यथ पाद पूजान छस्तय
 पोशि दसतय लागसय ॥

काम दीनि छु पालन करान
 आमुत अवतार कृष्ण भगवान
 प्रेयमुक दोध स्व दीवान छस्तय
 पोशि दसनय लागसय ॥

गुप्तगंगायि उपदेश दिवान
 सरी शिष छिस तूरि वातान
 दिवान छ सारिनय भक्ती रस्तय ॥
 पोशि दसतय लागसय ॥

भक्ति भाव सत्य नाद दिमहस
 अशि के वानि संत्य पाद छलहस
 आश छम तमि हँज प्रारान छस्तय ॥
 पोशि दसतय लागसय ॥

प्रारान छस यियिहे वुन्य सोन
 लेखिहे म्योन नोव कर्म लोन
 मनकी पोश पादुकायि लागहस्तय
 पोशि दसतय लागसय ॥

छमन तस रोस कँसी हँज आश
 म्यान्यन नेत्रन हुन्द सुय गाश
 गाशि रोस छस व्ययि छसबेबस्तय
 पोशि दसतय लागसय पोशि ॥

प्रार्थना लीछमस भावानायि सान
 यियिहे वोजिहे पान भगवान
 सीर पनुनुय वुन्य ब भावहस्तय ॥
 पोशि दसतय लागसय ॥

दास-गजरावतम्

मनकिस भागस पोश फोलरावतम्
सदगुरु गटि मँज गाश हावतम् ॥

तिमन पोशन मँज पनन्य पाद हावतम्
न्यथ तिमनय पूज कर नावतम्
स्वय भक्ती वुन्य मे प्राव नावतम्
सदगुरु गटि मँज गाश हावतम् ॥

भक्ती हुँदि पोश मत होखरावतम्
अमृत वानि सत्य अदरावतम्
ज्ञान शबनम सत्य फोलरावतम् ॥
सदगुरु गटि मँज गाश हावतम् ॥

मोह चे निन्द्रे वुन्य वुजनावतम्
अज्ञानुक अन्धकार कास्तम्
मोह किस जालस गँड़ मुचुरावतम्
सदगुरु गटि मँज गाश हावतम् ॥

मनकिस नागस पोन्य वुजनावतम्
तमि पानि मन मे छलनावतम्
स्वयं शीतलता वुन्य बरसावतम्
सदगुरु गटि मँज गाश हावतम् ॥

त्रेशिवय रूप छुख चय पानय
 बय मूर्ख किथ पठ्य ज्ञानय
 छुख दया सागर ज्ञान करनावतम
 सदगुरु गटि मँज गाश हावतम ॥

बड़रावतम वुन्यम्य यहोयमान
 दितम पादन हुन्दुय ध्यान
 पादन हुन्द आकार हृदयस त्रावतम
 सदगुरु गटि मँज गाश हावतम ॥

नेत्रन मँज बाग जाय करहय
 ब्यल पत्रव सत्य पूज करहय
 स्वय पूजा वुन्य न्यथ करनावतम ॥
 सदगुरु गटि मँज गाश हावतम ॥

मन छम रोजान मे चंचल
 गालन बोल छुख चय तमियुक मल
 पादन हँज गरद प्यठ वरसावतम ॥
 सदगुरु गटि मँज गाश हावतम ॥

पान भगवान छुख चय ज्ञानन बोल
 दरदिल म्योन छुख चय मज्य मोल
 दास यिम छिय तिहुँज दास गजरावतम
 सदगुरु गटि मँज गाश हावतम ॥

कन दरिथ भोजत यि प्रर्थना म्यनी
 गछेमन केँह गछहम भक्ती चनी
 चरनन हँज भक्ती बड़रावतम ॥
 सदगुरु गटि मँज गाश हावतम ॥

रास-लीला

दास गिन्दनाविथख रास चैय हरय
वनतम कोसु पूजा व करय

भक्ती चानि सूत्य गय अस्य मत्यो
नचनि लग्य अस्य लोलय हत्यो
रुदुख मँज बाग च योगीश्वरय
वनतम कोसु पूजा व करय ॥

नच नाँविथ दियुत्थ भक्ति भाव
असिँ मूर्खन तमि सत्य गाश आव
त्राँवथ कृपा दृष्टी असि हरय
वनतम कोसु पूजा व करय ॥

अस्य दास काँत्याह असि भाग्यवान
ब्रोंठ कनि रुदुख असि भगुवान
रासु मँडलिस मँज शामु सुन्दरय
वनतम कोसु पूजा व करय ॥

तमि रासु लीलायि केरय असि मत्यो
ह्वथ नेत्रन हँज असि जोती
बढ्य तु लोकट्य गय व्यस्मरय
वनतम कोसु पूजा व करय ॥

त्रे रूप दरिथ चय अख भगवान
 सारिनय छुख चय लोल बाँगरान
 गुण चाँन्य किथ पठय गँजराव हरय
 वनतम कोसु पूजा व करय ॥

शिव रूप दोरुथ समाँधी मँज
 कृषण रूप आख रास मँडलिस मँज
 मनुष्य रूप देरिथ छुख चय हरय
 वनतम कोसु पूजा व करय ॥

मच व करनस भक्ती चाने
 अथ मचरस भोजतम माने
 नतु छिम गमत्य अर तु सरय
 वनतम कोसु पूजा व करय ॥

नोव आश्रम

अनुगृह छुख करान असि चूरि चूरे
 लंगिथ अस्य कनि मोजूरे

तिमव कनिवय मँज द्राय लाल
 स्व भक्ती दिचथ गयि माला माल
 चानि भारगाँहि छुनु केँह चूरे
 लंगिथ अस्य कनि मोजूरे ॥

स्वम्यच्च यलि तुज नखनय कथ
 जन आय अम्बरभूतकॅय फोति हिथ्य
 असि सूति च शँकर छुखन दूरे
 लगिथ अस्य कनि मोजूरे ॥

फल खयोन दियुत्थु आव भक्ती बल
 पोशन हिव्य गय तिम लोत्य पल
 नखन प्यठ तुल्य तिम पोशि टूरे
 लगिथ अस्य कनि मोजूरे ॥

भाग्यवान छि अस्य सारि तिम कने
 ईश्वर स्वरूप यित वुन्य वने
 पाद गरदि छय खुशबू नाफ कोस्तूरे
 लगिथ असि कनि मोजूरे ॥

वनोवुथ आश्रम छस बोनि अँदि अँदी
 लागहय लोलक्य पोशि गोंधी
 व्ययि जालु तति मुशक कोफूरे
 लगिथ अस्य कनि मोजूरे ॥

मनुक्य मल वुन्य छलनावतम
 पनुनुय प्रकाश वुन्य त्रावतम
 सु प्रकाश थव हृदयस मँज चूरे
 लगिथ अस्य कनि मोजूरे ॥

गुरु पूजा

सैव शास्त्रुक छुख सागर पानय,
शरणागतन हन्दि भगवानय ॥

आयिसय व शरण पादल तल,
मनकी मुशिकिल करतम हल ।
भगवान जानान च सोरय पानय,
शरणागतन हन्दि भगवानय ॥

ज्यन दोह छुय अज सद्गुरय,
दितम शक्ति अज पूजा करय ।
यिम मनकी पोश लागय दान-दानय,
शरणागतन हन्दि भगवानय ॥

सामधि मंज विहान छुख शम्भू,
यति नेरान अज सोय खुशबू ।
भक्ति धन छुख अज बगरानत,
शरणागतन हन्दि भगवानय ॥

आदि प्रभातन छुख दर्शन दिवान,
लोल सान छिय असि पूजा करान ।
धूप-दीप कन्य छिय प्राण आलवानय,
शरणागतन हन्दि भगवानय ॥

संसार वृद्धम स्यठा कूठुय,
 व्ययि स्वपना वृद्धम स्यठा ज्यूठय ।
 अपजुय स्वपुन वृद्धम पनि पानय,
 शरणागतन हन्दि भगवानय ॥

यलि ह्योतनम गोडन्युम नार,
 धक दिथ गम सरि म्य बेजार ।
 अथ प्यठ थोवथम भगवान पानय,
 शरणागतन हन्दि भगवानय ॥

बाग ओसुम फोलिम नकली पोश,
 जोनुम छुख च्य पोज आशुतोष ।
 रोटमय वुन्य जोनय दामानय,
 शरणागतन हन्दि भगवानय ॥

कर्मलेखा वुन्य नव लेखतम,
 नकली व्यवहार मशरावतम ।
 यीर गमच नाव चय तारानय,
 शरणागतन हन्दि भगवानय ॥

छस अनजनी छम न केह शक्ति,
 गुरु दिम चरनन हंज भक्ति ।
 अरत्यन हन्दि नाद छुख बोजानय,
 शरणागतन हन्दि भगवानय ॥

टोह दोह म्योनुय यि चोन जन्मदिन,
 अरित्य नादन दारतम वुन्य कन ।
 पाप कर्मय छिम तरसावानय,
 शरणागतन हन्दि भगवानय ॥

**Sri Ramakrishna Ashram
LIBRARY
SRINAGAR**

*Extract from
the Rules :-*

1. Books are issued for one month only.
2. An over - due charge of 20 Paise per day will be charged for each book kept over - time.
3. Books lost, defaced or injured in any way shall have to be replaced by the borrower.



